

HJ
98
1461
Auditor-
report

PAPA HOIKE

— A KA —


LUNA HOOIA NUI

— I KA —

AHAOLELO HAWAII, KAU O 1890.

— ME NA —

HOIKE PAKUI PU.



HONOLULU :
ELELE PUBLISHING CO. PRINT.
1890.

Exchange
Library of Hawaii
1-2-36.

Hoike o na Makahiki Elua

— A KA —

LUNA HOOIA NUI

— I KA —

AHAOLELO HAWAII, KAU O 1890,

— ME NA —

HOIKE PAKUI PU.

KEENA OIHANA O KA LUNA HOOIA NUI,
HONOLULU, MEI 17, 1890.

E NA 'LII A ME NA LUNAMAKAAINANA :

Ma ka waiho ana aku i ka'u hoike no ke kau o na makahiki elua e piha ana i Maraki 31, 1890, i kulike ai me ka hana i hooiia mai maluna o'u e ke Kanawai Hooia Buke Helu, o ka'u hana nui wale no o ka lawe mai imua o ka noonoo maikai o ka oukou Aha Hanohano, i na mea a pau e pili pono i na loa a me na hoolilo o na waiwai loa o ke Aupuni; a me ka hoohana pu hoi i na pono i ae ia mai ia'u, a me na kuleana hoi i ili mai maluna o'u e hoahewa ai me ka maka'u ole a me ka hoopilimeai ole, ma ka hooaiia ana aku ia oukou no ka oukou mea e noonoo maikai ai e pili

ana i na mea ano nui a pau no ka pono o ka poe hookaa Auhau, i kaa mai malalo o ka'u ike pono; a me ka waiho pu aku hoi no ko oukou noonoo ana a me ka oukou lawelawe ana aku e like me ka hiki; i na ano hana e hiki ai ke lapaau i na hemahema i ike maopopo ia iloko o na hana o ka hoo-ponopono ana i na dala o ke Aupuni.

O na palapala a pau e pili ana i na hoakaka ana, a me na hoikeike ana i hanaia e a'u iloko o keia hoike, ua hana au me ka manao no ko oukou wa e oluolu ai e nana, a e makai-kai akahale ai iloko o na "hoike pakui."

Ma ke ano kamaaina i ka Ahaolelo, he mea maopopo o ka oihana Luna Hooia Nui, oiai oia he oihana hanohano a nui hoi o ka uku, eia nae, he oihana pu hoi i nui no o na hana koikoi e ili mai ai maluna o ka mea e lawelawe ana ia oiha-na, a he hana hoi ma kekahi manawa e koi ia aku ai ka mea e noho ana ma ka oihana, ma ke ano he "ilio kiai" no ka Waihona dala o ke Aupuni, e hookuia ai i na manao hana ano nui e hooko ai i na hana a ka lehulehu, ma ke ano he kauwa na lakou.

A i like ai hoi me na mea i hoakaka ia iloko o keia hoike, malia paha e koi ia mai ana au e hoopaa ia'u iho iloko o na moololo, he kanaka kua i na makemake a me na kauoha a ko ka Moi Aha Kuhina ma kekahi mau ano hana; nolaila, e koi aku ana au i ko oukou Aha Hanohano e hoomaopopo pono iho, aohe mau olelo i hanaia e a'u ma keia hoike, i manao maoli ia e kuhi pololei aku, a e hoopili aku paha mawaho ae ma ke ano imihala wale aku no, a e hooili ai paha i na manao hoopono ole maluna o ka Aha Kuhina, ma ka lakou lawelawe ana i ka lakou mau oihana, ma ke ano he poe kauwa lawelawe hoopono no ke 'Lii Ka Moi, a me na makaainana, a i ole, no ko lakou ano kanaka paha e hiki ai ke hilinei ia mai ko lakou ano hoopono.

O ka'u kahua paio wale no, oia keia, oiai ma kekahi mau ano hana, aohe mau hana ke'ake'a no ka holomua i loa'a 'ku i na oihana o ke Aupuni, eia no nae ma kekahi, ua kua maoli ia ka makemake o ke kanawai, a me na haawina o loko o ka Bila Haawina, me ke kua pu i ka makemake maoli o ka Ahaolelo, a kua pu hoi i na mahalehele kaulike ana o na loa'a o ke Aupuni, a nolaila, o ka Ahaolelo maoli no ka mana e hooholo ai maluna o na kahua o na mea i hoikeike ia, a i

loaa hoi ia'u o ka hanohano nui e waiho aku ai me ke paewaewa ole imua o ko oukou Aha Hanohano.

Mamuli o ka paa mau o ka manawa i na hana pili oihana, a me na hana kakau e pili ana i ua oihana 'la, nana hoi i koi nui mai e hana aku i ka hana mawaho o na hora pili oihana, —a he hana hoi e hiki ole ai ke lawelawe pono ia e kekahi mea okoa ae, koe wale no na ka Luna Hooia pono i e hana kino,—nolaila, ua loaa ole ia'u ka wa e hiki ai ke hoolilo i manawa kupono no ka noii akahela ana, iloko o na Buke a me na moowaiwai o na Buro pakahi o ke Aupuni; e like la paha me ka Hale Dute; Oihana Leta; Oihana Waiia pela 'ku; no ka mea, o ka lawelawe ana aku e like me ia, he hana e paa mau ai ka manawa o hookahi kanaka i na wa a pau, a no ia mea ua hilinai wale no au ma na hoike i hoohikiia, i waiho ia mai e ua mau Buro nei a me na keena oihana e ae, a i kokua pu ia mai hoi e na palapala i hooiaio kupono ia, a oia mau palapala no hoi, ua hoohalikelike pu ia no me na moolelo o ke Keena Waiwai i loaa ai ka oiaio kupono.

I akaka ai ka oiaio o keia, a i mea hoi e loaa ai ka pono i kekahi o na hoa o ko oukou Aha Hanohano, i ike maopopo ole i ke ano o na hana a ka Luna Hooia Nui, a me na hana pili i kana oihana; ke noi haahaa aku nei au ia oukou e hele mai e makaikai i ka'u mau buke a me na moolelo ma na hora kupono a pau.

Ua loaa pu ia'u ka hauoli e hoike aku i kekahi ano hana hou e pili ana i na loaa a me na hoolilo ia ana o na loaa Aupuni, a me ka ulu mau mai o na ano hana hooko ia o na makemake o ke Kanawai, mai na poo mai o na hana a pau e pili ana ilaila; oia i ua ikaika loa iho nei na hana e hooponopono ai i na paewaewa i hanaia a i hoakaka ia ma ka hoike o ka wa mamua. Ina no aole i lawa loa e like me ke kupono na mea a pau e hiki ai ke makemakeia, e hiki ana no nae ia'u ke waiho aku imua o ko oukou Aha Hanohano i na kumu i ko ole ai o ia makemake.

Iloko o ko'u lawelawe ana i ka'u oihana ma ke ano he Luna Hooia Nui, he mau wahi kua liilii wale no kai ala mai mawaena o'u a me na hoa o ko ka Moi Aha Kuhina, koe wale no na hana mawaena o maua me ka Mea Hanohano ke Kuhina Kalaiaina, a ua ulu mai keia mau mea malalo o keia kumu nui; oia hoi na hana hoopaaiki loa a ua

Mea Hanohano 'la, e hoomau aku ai i ka hana ana i na hana Aupuni mahope iho o ka pau ana o na haawina i hookaa-wale ia ai no ia mau hana, a lilo aku la hoi i mea e hoopoho ai i na haawina i hoochana ole ia.

Ua manao au i keia mau ano hana, he mau mea i kue maopopo i ke kanawai, a me na olelo hoocholo a ka Aha Kiekie, a me na mea i maa mau ma na hooponopono ana o na Aupuni naauao, i hookahua ia maluna o na makemake o ka Ahaolelo, a me na mea maa mau ma na lawelawe oihana ana.

Oiai ua kaupale ia au mai na pono i loa a i kekahi poe Luna Aupuni e ae malalo o ke Kumukānawai, a me ka Moi, ka Ahaolelo, a me ko ka Moi Aha Kuhina; mai ke noi ana aku i ka Mana Hookolokolo i olelo a'o e pili ana i keia mau mea; nolaila, o ka hopena wale no i loa a mai ia'u, o ka hili-nai nui maluna o ko'u noonoo pono iho, a'u hoi e hiki ole ai ke olelo ae, he mau manao e loa a ole ai kekahi wahi ki-na'una'u.

Oiai aole i loa a iki mai ia'u kekahi manawa e hiki ai ke makaikai i ka Hoike a ka Mea Hanohano ke Kuhina Waiwai, nolaila ua hiki ole ia'u ke hoakaka aku ia mea imua o ko oukou Aha Hanohano e like me ka mea i kauoha ia ma ke kanawai; a aole loa no hoi au i manao iki he mea ano nui keia a'u i kamailio aku ai, oiai ke Hilina nei no au e hoakaka piha ia aku ana na moololo pakahi o na loa a a me na mea i hoolilo ia o na loa a Aupuni, i hui pu ia me na hoakaka kaawale, a me na mea ano nui e ae e hiki wale ai no ke ikeia, mai na moololo mai o ka Waihona a me na wahi lehulehu e ae.

Nolaila, oiai aole au i manao iki he mea i manao nui ia, a i ole o kekahi la hoi ia o ka'u apana hana, e papalua aku i na kope o na mea i hanaia, eia no nae, ua makemake au e waiho aku i kekahi mau huahelu a me na hoakaka hooch-like imua o ko oukou Aha Hanohano e pili ana i kekahi mau loa a o ka Waihona, e like la me na uku-hoopai a me na koina, na Auhau a pela aku; a i lilo hoi o ka hooponopono ana no ka ohi ana o ia mau mea i hana na'u i paa mau iho nei o ka manawa ma ka hana ana, a e lilo pu aku ai paha i mea ano nui e makemake ia ai e ike.

KA WAIHONA.

Ma keia manawa e hoike aku ana au, o na buke o ka Waihona ua like me na moolelo, na olelo hoakaka a me na palapala i hooiaio ia e waiho nei i keia manawa iloko o ke Keena Hooia o ke Aupuni; a mamuli o ka ike i loaia ia'u a me ko'u manaio, ua pololei; aka, he minamina pu hoi au i ka hoike aku, aole i pau pono iki ma ua mau palapala 'la i hooiaio ia ka hoike ana i ka huina pau o na mea i hoolilo ia, e like 'la me ka mea i kakau ia e ka Luna Hooia.

O ka like ole mawaena o na huahelu, aia he wahi okoa kahi e loaia mai ai o ia mau mea, malalo o keia kumu; he mau huina nui kai unuhia mai mailoko mai o ka Waihona; e pili ana i na haawina o na "Alanui a me na Alahaka," a me na "Auhau alanui i hoolilo ole ia," iloko o na apana mawaho ae, a i loaia ole hoi he mau palapala i hooiaio ia a i waiho ole ia mai hoi imua o'u, a i loaia ole aku hoi he apono mai a'u aku. Aka nae, e kamailio hou aku ana au no keia mea mahope aku.

E like me na mea i hoiaia ia e a'u ma ka'u hoike o ka wa i hala, ke makemake nei au e alakai hou aku i ka noonoo o ko oukou Aha Hanohano ma keia kumu, oiaia no e kauoha ia ana ke Kuhina Waiwai e ka Mahele 19 o ke Kanawai Hooia e like penei: "Aka nae, aole mau dala oia ano e ukuia e ke Kuhina Waiwai, a i ole paha ia malalo o kona mana, aia wale no a he mau huina dala i hoolilo ia no ka uku Moi a me ke Aloalii, na uku Kumau a me na uku o na Luna Aupuni, koe wale no aia a kakauinoa mua ia ua mau moowaiwai nei e ka Luna Hooia Nui." Eia no nae, mamuli o na hana o keia manawa, oiaia no aole mau palapala hooiaio e hele pu aku ana me ke kikoo dala a ke Kuhina a hiki i ka Waihona e hoike ana ua apono ia ua mau palapala hooiaio 'la no ka huina dala i hoakaka ia maloko, alaila he mea maopopo, ua kapae loa ia ka mana o ke Kanawai; a ua hiki hoi i ke Kuhina a mau Kuhina paha o ke Aupuni ke unuhi mai ma kana kikoo dala wale no i kekahi hapa a i ka huina holookoa paha o kekahi Haawina iloko o ka Waihona, a oiaia pu no hoi e nele ana na palapala hooiaio kupono e hiki ai ke apono i kana kikoo dala.

O keia mau mea a'u e olelo nei he hiki ke hanaia, aole

loa e hiki ia'u ke ahewa ole me na olelo ikaika, a e hoike pu ai hoi i ke koikoi o ka manao a'u e hoopili aku nei oia maoli no ka makemake o ka Mahele i olelo ia maluna, o ke Kanawai Hooia, a e pono ai hoi ke hooko pololei ia. Ina keia mau hana e hooko ia ana me ka pololei maoli, aole loa e hiki ke unuhi ia mai kekahi dala me ke kue i ke Kanawai, koe wale no, aia a ua ae a ua nana kolohe mai keia poe ekolu, oia hoi ke Kuhina, a me ka Luna Hooia, a me ke Kakau Buke Helu Nui.

O ka alo ia ana o keia wahi manao ano nui o ke Kanawai, he mea e kahaha nui ia ai ina e hoomaopopo pono ia ka manao o ka Pauku 32 o ke Kanawai Hooia, no ka mea ua hoakaka pololei ia malaila ka hoolaha ana a ke Kuhina Waiwai a me ka Luna Hooia Nui i na rula hooponopono kupono e loa ai na hana mama e hiki ai i ke Kakau Buke Helu Nui ke hooholo koke iho ina ua hooko ia a hooko ole ia paha ka makemake o ke Kanawai.

Ua koi aku no au i ke Kuhina Waiwai mua Hon. W. L. Green, a hui pu mai me a'u ma ka hoolala ana i mau rula o keia ano, aka ua hoolilo nae ia i kela nonoi a'u me ke ano hoowahawaha i mea ole; oiai hoi o ke Kuhina o keia wa ua pane mai la oia, ua lawa kona hiline ana i kona mau hoa Kuhina, aole lakou e unuhi ana i kekahi dala e kue ana i kekahi haawina iloko o ka Waihona, aia wale no a loa mai na palapala i hooiaio kupono ia no ia mau mea, a i apono mua ia hoi e ka Luna Hooia Nui.

Nolaila, oiai no nae kakou e hiline ana me ka manaopaa a me ka manaoio maluna o ko kakou mau Kuhina o keia wa, aole anei hoi e oi aku ka maikai e hoala ia kekahi kahua a rula paha i hoakaka maopopo ia e pili ana i keia mea, i kumu alakai no ka poe e noho mai ana ma keia hope aku, ina no lakou he poe like ana o na manao maikai me keia, a poe paha i ku ma na kulana ulia pomaikai e like me nei i keia wa.

NA UKU HOOPAI A ME NA KOINA.

Ano la, ke makemake nei au e waiho aku imua o ko oukou Aha Hanohano i na hoike pakahi i hoohalikelike ia o na loa Aupuni iloko o ka Waihona; a e hoomaka aku ana au

e hoike mua i na Uku Hoopai a me na Koina i loaa mai i ke Aupuni mai na "makaha" pakahi mai.

O ka hikiwawe o na hana e pili ana i ka ohi ia ana o keia mau mea, a me ka pii nui ana ae hoi o na huina i oi ae i ko na makahiki elua i hala, a me ka aneane kokoke pu ana'ku hoi i na mea i manao ia no ka 1888 a me ka 1889 e like me ia i hoikeia ma ka papa hoike malalo; a me ka pii hou ana ae hoi o ka maikai o ka waihoia ana mai o na papa hoike i ka Luna Hooia, he mau mea keia e nele ole ai ka hauoli i na mea a pau e makemake ana i na ano Hooponopono Aupuni maikai. Ua hauoli pu no hoi au i ka lilo ana o ka'u mau hooikaika ana a pau ma keia ano, i mea e loaa mai ai na hopena maikai.

O ka pii mahuahua ana ae nei o na hana hoopae malu ia o ka "Opiuma" mahope mai nei o ka hoopau ia ana o na Lai-kini Kuai Opium, a me na uku hoopai kiekie no ka poe i ahewa ia no ia mau ano hana, kekahi kumu i pii mahuahua loa ae ai o na loaa.

Huina Uku-Hoopai a me na Koina i	
ohiia 1888-89.....	\$ 123,647 08
Huina Uku-Hoopai a me na Koina i	
ohiia 1886-87.....	92,298 89
Oi ae o na mea i ohiia i ko ke Kau	
1886-87.....	31,349 19
Na loaa i manaoia no 1888-89.....	125,000.00
Na Loa a i ohiia no 1888-89.....	124,647 08

Loaa i emi malalo o na mea i manaoia	
no 1888-89.....	\$1,352 92

Aole e hiki ia'u ke hooki i keia kumumanao me ka hoike pu ole aku, iloko iho nei o na makahiki elua e piha ana i Maraki 31st., 1890, aohe poe hookaa ole i na uku hoopai a me na koina, a o na olelc hoakaka no kela me keia hihia eia ia ke waiho nei i keia manawa iloko o ke keena me na hoo-iaio kupono iloko iho nei o keia Kau i hala; a he moolelo hoi i ku i ka mahaloia.

BANAKO HUNAHUNA HALE LETA.

O ka Banako Hunahuna Hale Leta o Hawaii nei, ua akaka kona ikeia he mea nana i hoopomaikai mai i kekahi poe paahana i ake nui i ka imiwaiwai, a he mea maopopo pu no hoi o kekahi o na poe kalepa uuku o na Kumupaa e hiki ai ke hoohana kekahi i hoopomaikai ia.

Oiai no nae o na kumu nui i manao ia ai o keia mau dala, he mea e loa ai i ke Aupuni na dala oluolu ma ka aie ana, a e like ai hoi ka makepono me ko na wahi e ae; a i ole e oi aku ai paha ka makepono e like me na mea i manao ia ai; ke manao nei nae au, he mea e loa ai ke kanalua ana.

O na kumu, aole loa e hiki ke a'o ia, a ua hiki wale no hoi ke hoakaka ia aku.

No ka mea, oiai ma kona ano kuloko a me ka maopopo pu hoi e hoakoakoa mau ia ana ke dala i kela a me keia la iloko o ka Waihona, eia no nae, ma ka wa i oi loa aku ai o na dala loa mamua ae o na mea i makemake ia e hoohana no ka pono o ke Aupuni; ua hiki ole loa ke kaohi mai; a koe iho la e like la me na mea i maa mau, he puu dala oi loa e noho aie aku ai me ka waiwai ole, a e uku ia ai hoi he uku-kuala ma ka 6 pa-keneta.

O keia ka mea nana i hoemi mai ma ke ano nui na pomai-kai i manao ia e loa ana mailoko mai o keia ano aie dala, i hilina'i ia ai hoi e ulu mai ana na pomai-kai i oi ae mamua o na aie dala ana aku iwaho, no ka mea, ua hoakakaia ia mau ano aie dala, e uku ia na huina nui ma na manawa i hoomaopopo paa ia; a me ka loa pu no hoi o na huina i aie kua hewa wale ia aku i hoomaopopo ole ia mamua.

Ina la paha i ike mua ia e pii nui loa aku ana ka heluna o keia aie i kaupalena ole ia, mamua ae o na mea e hiki ai ke lawelawe ia, a e loa ai hoi na huina dala oi wale i noonoo mua ole ia, ina la paha ua hoomakaukau mua ka poe nana i hana ke Kanawai i mau kaupale no ka lawe nui loa ana mai i ua mau dala 'la.

Nolaila, mamuli o keia hana ole ia ana pela, aohe mea e ae i koe, o ka hana wale aku no iloko o ka oukou Aha Hanohano; a'u hoi e nonoi pu aku nei me ka mahalo e lawelawe koke mai oukou iloko o keia Ahaolelo, i mea e hoopakele ae ai i ka poe hookaa Auhau o keia Aupuni, mai ka uku mau

ana i ka 6 pa-keneta ukupanee, e kuala mau ia ai hoi iloko o kela a me keia hapalua makahiki, no kekahi huina dala oi wale aku i aie ia, a e uku ia ai hoi he $4\frac{1}{2}$ pa-keneta o keia mau dala ma ke ano he ukupanee e uku aku ai i ka poe nana i waiho mua mai ke dala i kinohi iloko o ua Banako Hunahuna Hale Leta nei; i hoopakele pu ia hoi mai ka uku ana i na Auhau no ua mau dala 'la.

Oiai mamua aku o ka 1888, ua waihoia keia mau dala i aie ia aole ma ka huina hookahi wale no iloko o ka Waihona, a ua uku pu ia aku hoi ma ke ano kakaawale o na huina, nolaila, ua lilo i mea paakiki e hiki ai ke hoonoho i kahua pololei e loa a ai ka averiga ana'ku i ka moowaiwai uku-panee, a e hiki ai hoi ke hoonohonoho pu ma na mea helu, a ane kokoke aku i ka huina oiaio o ua uku-panee 'la; aka nae, o ke koena \$246,997.06 o na dala oi wale aku e waiho nei iloko o ka Waihona i Maraki 31, 1890, a i emi ole iho hoi o ka huina i na wa a pau malalo o ke \$50,000.00, a i oi pinepine aku nae mamua loa o ia huina, he mea ia e hoike mai ai ina ma ka 6 pa-keneta ka uku-panee, ua hele aku la ka nui o ka lilo iloko o keia mau makahiki eha mai ka 1886 mai, no ka hanohano nui i manao ia ai, o ka oi wale aku o ke dala iloko o ka Waihona, ka mea i makemake ia, a hiki aku la i kahi o na huahelu kiekie loa. O na helehelena pomaikai wale no i hiki ai ke manao aku e pili ana i keia lilo i manao ole ia, aia ia ma ka hooihoihoi ana a me ke kokua ana aku i na wahi e hiki ai ke loa na pomaikai i ko kakou poe Mekanika, a me na poe paahana a poe e ae paha ma o ko lakou hoo-komo ana i ka lakou mau dala ma kekahi waihona e loa a ai ia lakou he uku-panee, ina no aole i nui loa, eia nae, he mau hooiaio ana e loa ana ia lakou kekahi huina maopopo no ka lakou mau dala.

O ka huina i hooholoia e ka Ahaolelo i hala aku la, e hoo-kaa ai i ka uku-panee o keia mau dala i aie ia, he \$40,000.00; a ua ohiia keia huina dala a oi wale aku he \$19,493.79; malalo o na haawina o ka Pauku 9 Mokuna XLVI o na Kanawai o ka 1884, a me ka Pauku 8 pu hoi o ka Bila Haawina o 1888.

NA HOAILONA KUNI AUPUNI.

Ma ka Pauku 22 Mokuna XX o na Kanawai o ke Kau o 1888, ua hoikeia keia mau hoakaka e pili ana i na hoailona

kuni: "No ka pomaikai o na apana mawaho ae o Honolulu, e hoolako ke Kakauolelo Buke Helu i mau kuni hoopipili i na Luna Leta a pau o na keena oihana haawi bila dala o ke Aupuni, me ko lakou haawi mai i mau palapala hookaa no ia mau mea. Na ua mau Luna Leta nei e kuai aku i ua mau kuni nei i ka poe a pau e makemake mai ana, ma ke kumu-kuai no e like me ka mea i hoakaka ia ma ke kanawai, a ma luna o lakou ka hoike ana mai ma ka la mua o kela me keia hapaha, i ka Luna Buke Helu Aupuni, i hoike no na kuni a pau i loa aku ia lakou, ka huina i kuaiia, a me ke koena i kuai ole ia, a me na loa pu a pau o ia kuai ana."

Oiai ka makemake o ke kanawai ua maikai, eia nae ua lilo i mea paakiki ke hooko ia, aole no i hooko pololei iki ia keia kanawai, koe wale no ma kekahi mau manawa elua; oiai nae e lawa mau ana no ua mau kuni la i na wa a pau e make-make ia ai, a he manaio ko'u ua hooko ia no me ka pololei, aka nae, malalo ae o kekahi alanui okoa.

O ke koi ana aku i ka Luna Buke Helu Nui e hoopaa ia oia malalo o na bona, no ka mea, aia iaia ka hoomalu ana o na waiwai loa o ke Aupuni, a me ke kena pu ana iaia e haawi aku i na Hoailona Kuni Aupuni i hoakaka ia he dala ko ia mea, i na Luna Leta a pau o ke Aupuni, i na wa a pau a lakou e koi mai ai, a me ka lawe wale mai no i ka lakou mau palapala hookaa i hooiaio no ia mea, aole paha ia he mea kuponono e hana aku ai i ua luna aupuni 'la, a aole pu no paha ia he kalai aupuni naauao a akahela ana.

O ka noii pono ana aku iloko o keia mau mea, he mea paha ia e hiki ai ke ikeia na wahi hemahema o ke kanawai a me kona lawelawe pu ia ana.

Ua hiki ia'u ke apono ia'u iho ma ke ahewa ana i ke ano mau e hana ia nei, o ka hoolilo ana i ke keena Waihona i wahi e malama nui ia ai na buke lehulehu wale aku no no ke Aupuni, no ke kakau wale ana no i na hana i pili pono i maoli i ke Keena Waiwai, a aole hoi oia wale, aka, ma o ka hookomo pu ia ana aku o kekahi o na mea waiwai ole a mau hana hoi i pili i kekahi mau oihana e ae iloko o ua mau buke 'la. He mea pono i ka waihona moololo o ke Keena Waiwai e loa ole kahi e hiki ai ke ahewa aku, a aole wale no e lilo i mau mea e hiki ai ke hooponopono ia i na manawa a pau e makemake ia ana.

O ka'u mea e kuhikuhi aku ai ma keia wahi, oia no ke Kanawai Hoailona Kuni, a me ke Kanawai Papa Alanui, ma ke ano he mau kumu elua keia i wehe hou ia ai kekahi mau moowaiwai lehulehu, a e waiho hoohamama mau ia ai me ka hooponopono ele ia no kekahi manawa macpopo ole iloko o na buke oihana o ke Keena Waiwai.

O ke Kanawai Hoailona Kuni ina e hooko pololei ia ana, alaila, e aneane ana e piha he kanakolu inoa moowaiwai e malama ia ai, oiai hoi he hookahi wale no inoa e makemake ia, ina maloko aku o ka Luna Leta Nui e lawelawe ia ai ua hana 'la, e like la no me ko keia wa.

Ma ke Kanawai Papa Alanui, aole i manao wale ia no i 24 inoa moowaiwai kaawale e hana ia ai, ma ke ano he hookahi me kela a me keia Lunahoomalu o ka Papa Alanui, aka, me na hana makaala maoli kekahi e hana pu ia ai, a e kuleana ole ai la hoi ia mau hana ina aole no keia mau kumu i hoike ia malalo.

O ka auhau alanui i hoolilo ia ma ke ano "Waihona Ka okoa" iloko o ka Waihona Aupuni, aole e hiki ke unuhi ia mai aia wale no ma na kikoo dala a ka Lunahoomalu o ka Papa, a he nui na manawa e like ole ai na kakauinoa ana elua, eia nae e kaahale mau ia ana ua mau kikoo dala la a e kakau kua pu ia ana mai kekahi a i kekahi aku, ma na wahi a pau iloko o ke aupuni, me ka lawe ia ana mai e ohi ma kela me keia manawa ma ke Keena Waihona, e ka lima o na Pake a poe e ae paha i hiki ole ke hoomaopopo ia, a e hoolilo pu ana hoi ia mau ano hana i mea e hiki ai ke apuka ia. A o na kikoo dala hoi i oi wale aku mamua o ka haawina i hoouna ia mai e ohi i ke Keena Waiwai, a i hoolo ia aku o ka hookaa ana, he mau mea wale no keia a pau e hoike mai ai i na hana hemahema a keia poe Lunahoomalu o na Papa Alanui, ma ka malama ana i ka lakou mau buke, i manao pu ia paha e lakou o ke Keena Waiwai kekahi e malama hemahema aku ana i ko laila mau buke.

Mai loa ole la keia mau pohihihi a me keia mau hoololi ana a pau, ina la na ke Kuhina Kalaiaina ponoi e kakauinoa na kikoo dala e ohi mai mailoko o ua mau dala 'la i hoana okoa ia, mamuli o ke noi ana a ka Lunahoomalu o ka Papa, alaila oia la ke waiho mai i kana moowaiwai o ka nui o na dala i loa aku iaia i ke Keena Kalaiaina, a ma ia

ano la hoi e pau ai keia mau hana paewaewa e like me ko keia wa e hana nei, oia hoi keia, na ka Lunahoomalu o ka Papa e unuhi mai mai ka Waihona Dala; a e waiho ana nae ia i kana hoike i ke Keena Kalaiaina, i kahi hoi e hiki ole ai ke ikeia ka nui o na dala i ohia e ia; a ma ka Waihona Dala hoi, aohe e hiki ke ikeia ka nui o kana mau dala i hoike ai ma kana moowaiwai i ke Keena Kalaiaina.

HOPE LUNA NUI O NA HANA HOU.

O ke kumuhana hou a'u i makemake ai e waiho aku imua o ko oukou Aha Hanohano, ua pili ia i ke Kuhina Waiwai a me ke Kuhina Kalaiaina pu.

Ma ka Pauku 9 o ke Kanawai Hooia, ua hookuu ia mawaho ka hoapono aha a ka Luna Hooia Nui, i na kikoo dala o na uku makahiki a me na palapala hooiaio o ia mau mea, i waiho ia mai mamua o ka hookaa ia ana, aole loa nae he mea i hoakakaia maloko o keia mahele a me na mahele e ae paha, e hiki ai ke manao ia e keakea ana i ka Mana Hooponopono Nui o na loa a me na hoolilo a pau a ke Keena Waiwai, mai a ia mai; aka, ua haawiia iaia ka mana e imi iloko o kela me keia buke a moololo paha e pili ana ia mea; a ua hoolilo pu ia no hoi kekahi o kana mau apana hana o ke kuhikuhi aku, a me ka hoopolelei hou ana'ku paha ina he mea hiki i na hewa a pau e kaa ana malalo o kana noii ana. A no ia ike lea o'u i na kuleana i loa ia'u malalo o ka'u oihana, notaila, ua hiki ole ia'u ke hana ma kekahi ano e ae, o ka hana wale aku no e like me keia a'u i hana iho la.

Ua hooholo iho la ke Kau Ahaolelo i aui aku la i ka huina o \$4,800.00; he uku no na makahiki elua o ka Hope Luna Nui o na Hana Hou, me ka manao pu ana paha e loa aku ana kekahi kokua makaukau i hiki kupono ke hoopihia i na hana o ka Oihana Luna Nui iloko o kona wa e kaawale aku ai, a i kanaka pu hoi i loa ka makaukau maloko o ke Keena Oihana a ma ke kahua hana pu hoi kekahi.

Ano la, oiai aole i maopopo iki ia'u ke koho ia ana o kekahi Hope, eia nae, o ka uku makahiki, a i ole o ka hapanui paha o ia uku, ua ohi kakaawale ia iho nei i kela me keia manawa, a ua uku ia'ku i kekahi poe kanaka i loa he

“hapa kakini” a oi aku a emi mai paha, a i hoike pu ia mai hoi ia’u ponoi e ka Luna Nui o na Hana Hou, na ia poe e lawelawe ana ua mau hana nei a ka Hope me ka maikai kupono, a no ka pomaikai pu hoi kekahi o ke Aupuni.

No keia olelo i hai ia mai ia’u, ua manao au e hoohalahala aku, oiai o na hana a pau a keia mea he Hope Luna Nui o na Hana Hou, aole loa i hana iki ia iho nei e like me ia ma keia hoohuihui ia ana ae o na hana a keia poe i lawelawe ai, oiai lakou he poe panihakahaka no ia wahi. Aka, ma ka oiaio maoli, ua hoonele ia iho la ka oihana Aupuni i kekahi Luna Aupuni kupono nana e hoopiha ia Buro, nona na hana i ike maopopo ia e ka lehulehu aole i kupono, a me ka poe pu hoi e lawelawe ana i na hana pili ilaila.

O keia poe i hoolimalima ia i hoike ia ae la maluna, ua hoohana kakaawale ia iho nei lakou maloko a mawaho o ke Keena Oihana o na Hana Hou ma Honolulu, a ke manaoio pu nei nc hoi au ma na hana e ae kekahi a puni ke Aupuni. E like la me ke alanui mai Lahaina a Wailuku, he hana hoi i hoolako kaokoa ia iloko o ka Bila Haawina, malalo o ia poo, nona ka huina dala he \$15,000, a mai loko mai hoi o ia huina dala ke kupono e uku ai i na lilo no ka hana ana i ua alanui la.

Nolaila, o ka’u e kue aku nei, o ka hoohana ia ana o kekahi o keia poe i hoolimalima ia ma ua alanui la, malalo o ka uku-makahiki i hooholoia no ka Hope Luna Nui o na Hana Hou, he papalua oiaio maoli ana iho ia i na hewa i hana ia; no ka mea, o ua uku-makahiki la i ohia ai, no kekahi Luna Aupuni ia i ike ole ia, a ua hoolilo ia’ku la nae no ke kokua ana i hoakaka kaawale ia o kona haawina e ka Ahaolelo.

A oiai no nae au e kue mau ana i kela a me keia manawa, aole wale no i ke Kuhina Waiwai mua iho nei, aka, i ke Kuhina Waiwai pu kekahi o keia wa, a i ke Kuhina Kalaiaina pu no hoi kekahi, eia no nae, ke hoomau nei no ua mau Keonimana la i olelo ia ae la, ma ke ano: “o ka unuhi mai ko kekahi, a o ka hookaa aku hoi ko kekahi.”

O ke kumu paio hoi a ke Kuhina Kalaiaina e waiho mai ai, no ka lilo ana o keia he uku-makahiki, nolaila, ua kaa ae la mawaho o ko’u mana.

Ua okoa no ka manao o ka Mea Hanohano ke Kuhina

Waiwai mai kona Hoa Kuhina mai e pili ana i keia kumuhana, oiai no nae e hoomau ana oia ma ke kokua ana iaia, a mamuli paha o kona paipai mau ia e na ike makaoi o na hana hoopono a me na koi mau ia e ka'u mau hoike kua pinepine, nolaila, ua noi aku la oia a loa mai la he rula ana mai ka Aha Kiekie mai, a na u Mea Hanohano la no i hai mai ia'u iloko o Dekemaba la 27, i kona apono i ke kahua a'u i ku ai, a i ka like hoi o kona manao me ko'u, me kona olelo mai no nae, oiai ke Kuhina Kalaiaina e manao ana he pono ke unuhi mai i ka uku makahiki o ka Hope Luna Nui o na Hana Hou, a mamuli pu hoi o kona hilinai i kana mau olelo hoike a me kana mau wehewehe, a me ka waiho pu ana'ku hoi na ko oukou Aha Hanohano e apono mai, nolaila, aohe mea hou ae e hiki ai ke hana ia ma ia mea; a i ole ia, penei paha ka manao o kana mau huaolelo. Oiai ua lawa pono i kona manao ka hewa o ke Kuhina Kalaiaina, a i kokua pu ia hoi e ka Aha Kiekie ma kana rula ana, eia no nae, aohe oia i makaukau e paonioni aku me kona hoa Kuhina, aka e hoomau aku ana no oia i ka hookaa ana i ua mau kikoo dala 'la; a ua hooko iho nei no hoi oia pela a hiki i keia wa o keia hoike.

Na keia mau mea i hoike mai na hemahema o ke Kanawai Hooia e pono ai ke lapaau hou ia i mea e hiki ai ke hookoia na hooikaika ana a ka Luna Hooia me ka pololei; no ka mea i keia wa, e like ai hoi me ka'u i hoike mua iho nei, ua keakea maoli ia oia mai ka hoohalahala ana aku imua o kekahi mana kiekie ae, e loa ai he rula ana ma kona aoao, a oiai hoi, he mea hiki wale no i kekahi Kuhina o ke Aupuni ina ua manao oia pela e kauoha, a i ole, e hoolilo paha i ka hapanui o kekahi haawina o loko o kona Keena Oihana, ma na hana a pau ana i makemake ai, a e lilo wale aku ai no hoi ka Luna Hooia i mana keakea wale iho no me ka waiwai ole a hiki i ka pau loa ana o na dala.

Ke hilinai nei au e ike mai ana ko oukou Aha Hanohano i ke koikoi o keia mau kumu ano nui e pili ana i keia mau uku makahiki, a me ka pono hoi o ka hoomau ia'ku o keia mau ano hana, no ka mea, ina e hiki ana i kekahi Kuhina ke hana'ku e like me ia i hoike ia ae nei, ma kekahi haawina uku makahiki i hookaawale ia e ka Ahaolelo, alaila, e hiki pu ana no hoi iaia ma ia ano like ke hoohana aku i

kona mana e pili ana i na uku makahiki o kela a me keia mea malalo o kana oihana, a e hooko aku hoi i na mea a pau e pili ana i ka uku ana, a i ole, o ka mahele ana paha i ko lakou mau uku makahiki, mawaena ona pono iho a me lakou, mamuli o kekahi aelike malu e hana ia ana e lakou.

O na hana ano like ole i hoikeia ma keia ninau e pili ana i na uku makahiki, ua lilo ia i mea akaka loa, ke hoopili ae ma na ano hana a ka Aha Kuhina i hana ai no na mea e pili ana i ka uku makahiki o ko ka Moi Puuku; no ka mea, o ka hookaa ia ana o ia mau dala, malalo wale no ia o kekahi olelo hooholo Kanawai, mahope iho hoi o na paonioni ikaika ana imua o na Aha Hookolokolo, oiai no nae ua hoopiiha pono ia no na hana i lawelawe ia e ka Puuku e like me ko ka Moi makemake, mai ka wa mai o ka hookohu ia ana o ia kanaka. Ma ia hihia, ua hoole ia'ku la ka uku ana i ka uku makahiki i hookaawale ia e ka Ahaolelo, no kekahi Luna Oihana i hookohu pono ia, a ma keia hoi, he unuhi ana mai i kekahi uku makahiki no kekahi Luna Aupuni i hookohu ole ia.

NA KIKOO DALA HAAWI MUA IA.

Ke makemake nei au i keia wa e hoi hou aku kakou i ke kumuhana mua i olelo ia iho nei e a'u iloko o keia hoike e pili ana no na hana hou, aole hoi oia wale, aka e pili ana i "Na Alanui a me na Alahaka" kekahi o na apana kuaaina, me ka makemake pu hoi e alakai aku i ko oukou noonoo e pili loa ana i ke ano hana e lawelawe ia nei, i unuhiia mai ai kekahi mau huina nui i kinohi mai ka Waihona mai, i mea e hookaa ia ai na uku pule o ka papainoa o ka poe hana, me ka lawe ole ia mai o kekahi papahoike o keia ano, a mau palapala hooiaio kupono e ae paha imua o ke keena a hala he wa loihi loa mahope mai, a nolaila pu hoi i loa ole aku ai na hoapono no ia mau mea mai a'u aku.

Ua hiki ke ike koke ia ka hooko ole ia ana o na make-make o ke kanawai, ina e hoomaopopo ia iho ana, he oi loa aku ka palupalu e ohi ia ai na dala ma kekahi palapala kauoha a ke kanaka hookahi wale no, a mahope aku ma na wa kaawale e hoike mai ai, mamua ae o ka hooluhi ana e uku aku i keia papainoa o na poe hana hebedoma i kinohi, malalo o ke kumu hooalahala a lakou e olelo nei

aohē hiki ke hana koke ia ia mau palapala. Eia ka mea maopopo, ina aole e hookaa kōke ia aku ua mau dala 'la a hiki i ka manawa e hoouna ia mai ai ua mau palapala 'la i hooiaio ia, ina la aohē wahi hakalia iki no ko lakou hoouna mai i na mau palapala 'la.

O ka'u e olelo nei, ina i hoonohonoho kupono ia na la uku dala mamua ae, i loa ai hoi ka manawa e hoouna ia mai ai ua papainoa la i Honolulu no ke apono aku, alaila, aole loa e loa iki kekahi wahi kuleana e ohi ai i dala mamua ae o ka loa ana mai o na palapala i hoapono ia; e like la me ke kanawai; ina no la hoi ua nui ole na dala Aupuni e kaahēle ai iloko o kela a me keia apana o na mokupuni, i loa ole o na palapala hoapono ma ke Keena Kalaiaina no ua manawa 'la, koe wale iho no paha na kikoo mai na Lunahoomalu mai o na Papa Alanui.

I mea e hoike aku ai i ke kupono ole o kekahi ano hana e like me keia, a'u hoi i noonoo ai ua kupono e hoololi ia i mea e lo a aku ai ka makemake o ke kanawai, alaila e hoike aku au, ua aneane no ma kahi o ka huina holookoa no "Na Alanui me na Alahaka" i ohiiia, mailoko mai o na haawina o ke Aupuni holookoa, mai na Papa Alanui pakahi mai, no ka makahiki hookahi e piha ana i Maraki 31, 1889, i hiki aku hoi ka huina i kekahi mau huahelu nui launa ole mai, aohē mau palapala hoakaka a i hooiaio pono ia i waiho iki ia mai imua o'u no ka apono aku, eia wale no a iloko iho nei o Iune 22, 1889, a i ane hoi e piha he 15 malama mahope mai o ka unuhiia ana o ke dala mua, a no ia mau huina a pau ua hoole au i ka hoapono ana, no na kumu, he mau hana paewaewa maoli.

Aole paha e pono ana ia'u ke apono aku i na hana kua kanawai o keia ano, a aole no hoi he wahi kanalua iki, o ke kuru wale no o keia hoohakalia ia ana o na moololo o na hana, mamuli no ia o ka hahaki ia ana o ke kanawai i kinohi, no ka mea, ina i hoole ke Kuhina Kalaiaina i ka unuhi ana mai i na dala o ua mau haawina la mailoko ae o ka Wai-hona, koe wale no aia a hoouna ia mai ua papainoa la me na hooia kupono a loa aku ke apono ia, alaila, aole e loa ana he mea okoa ae e makemake hou aku ai, a aole la hoi e kakali wale ia a hala he makahiki mamua ae o ka hiki ana mai o ua mau palapala 'la.

No ka loa ole ia'u o ka manawa kupono e nana ai no'u iho i na hana kukulu alanui malalo o ke Kanawai Papa Alanui, nolaila, ua hiki ole ia'u ke hoike aku no ia mea, aka, hookahi mea nui i ike maopopo ia e ae ia mai ai paha e na mea a pau, "aole i hoohemahema iki ia na pono alanui o na mahiko."

A eia hou no hoi, aole hiki iki ke pau ko'u manao ana ua loa no he kuleana e hana ia ai kekahi mau hooponopono hou a mau mea hoi e oi ae ai ka maikai iloko o na ano hana o keia wa, oia hoi, ma ka mana i loa i na Lunahoomalu o ka Papa Alanui e hiki ai ke ohi i ka auhau alanui mailoko mai o ka Waihona i hookaokoa ia e ka Waihona o ke Aupuni, ma na wa a pau ana e makemake ai, a me ka hoike pu ana mai hoi i ka moololo o na hana ma na wa ona e oluolu ai. O ka palapala paihakahaka e hoakaka ia ai ka moololo hana, e lilo ana ia i mea paio e hakalia ai na hana, no' ka ike ole a me ka maa ole ma ia mau ano hana o kekahi o ua mau Lunahoomalu nei o ka Papa Alanui.

Ua lilo iho nei i mea maa mau iloko iho nei o ke Kau i hala aku la, e unuhi mai ka Waihona mai i na auhau alanui i hoolilo ole ia e like no me keia ano, no loko ae o ka auhau alanui i waiho kaokoa ia, penei: Ma o ke kikoo ana la a ka Luna Hoomalu o ka Papa Alanui; a oia nae ua haawi iho nei ka Ahaolelo i haawina hou, he pono loa ke hoohalike ia ka unuhi ana mai e like me na haawina e ae.

Aka, e like no me ka'u i olelo iho nei mamua, ua oi ae ka palupalu o ka unuhi ana i ke dala mamua, a mahope e waiho mai ai i na palapala i hooiaio kupono ia i na wa kaawale o lakou mai na hana, na kumu i ala nui mai ai keia ano hana; a ma ia kumu pu no hoi i ohi ia ai ke koena o ka auhau alanui i hoolilo ole ia ma Kau, i hiki aku ka huina i ka \$7,230.41 mai ka Waihona aku iloko o Maraki 28, 1890, me ka manao paha i dala e lawelawe aku ai i ka hana ana i na hana alanui o ia apana, mawaena o ia manawa me ka wa e hoouna mai ai i na palapala.

He mea pono ke ninau ae, ma ka mana hea la keia dala i unuhia ai? A ihea hoi kahi i waiho ia ai o ia mau dala? Ina me ka Lunahoomalu o ka Papa Alanui o Kau, alaila, heaha la kona mau bona i hoopaa ia ai? Ina ua hana ia pela, a i ole ina me kekahi Banako hou ae, alaila, no keaha i hana ia ai

pela? No ka mea, me kekahi poe okoa ae, ua ike au, o ka Waihona wale no o ke Aupuni kahi kupono e waiho ia ai na dala loa o ke Aupuni, a hiki i ka wa e unuhi ia ai na palapala hoapono i hooiaio kupono ia; a ua pili keia a'u e olelo nei i kela koena, ina no ia he mea e hoopanee ia ai ko Kau mau hana pili alanui no kekahi wa maopopo ole.

A e like hoi me ka'u e manaoio nei, ina o ke alanui hou o Ka Lua o Pele, ua holo aku kekahi hapa o ia alanui maloko o Kau, a me ka apana pu o Hilo, alaila, ina ua manao ia e hoolilo ia kekahi o na dala i hoike ia mamua, i koe o ko Kau mau auhau alanui no keia alanui hou, alaila, he mea pono ke hoolilo ia no ko Kau hapa wale no, aole hoi iloko o ko Hilo mau palena kekahi.

NA HAAWINA KUIKAWA.

Ke noi aku nei au me ka mahalo, e alakai ia ka noonoo ana o ko oukou Aha Hanohano no ka huaolelo "Kuikawa," e like 'la me kona mea i manao ia ai e pili ana i na haawina, no ka mea, ua lehulehu na wehewehe ana o ia huaolelo, a ua lilo hoi i mea paakiki e hooholo pono ai i ka manawa a me kahi e hoolilo ia ai ua mau Dala Kuikawa nei.

Nolaila, ke hoike aku nei au me ka mahalo, ina aohe huaolelo e ae e hiki ai ke hookomo ia ma ia wahi, alaila, he mea pono paha, ma kela a me keia wahi e hoolilo ia ai ia mau dala no kekahi haawina, e haawi pu ia'ku kekahi olelo ao ia wa koke no mahope iho o ke poo o ia olelo, i mea e alakai ai i ka poe nana e hoolilo ua mau dala 'la, a me ka Luna Hooia pu kekahi, i akaka ai ko ka Ahaolelo manao ma ia mea.

O ke kumu i kupono ai oia olelo alakai, ua hiki ke ike maopopo ia ke heluhelu ia ka Olelo Hooholo a ka Aha Kiekie o Augate 1, 1888, no ka mea, aia malaila i hoakaka maopopo ia ai ka manao o ua huaolelo Dala Kuikawa la. E olelo ana, aole wale no ma na manawa ku i ka pilikia wale no e hoolilo ia ai, aole hoi i mea e hoolawa aku ai i na haawina i hookaawale maopopo ia.

O keia rula ana nae ina paha i hooko pololei ia iloko o ke au o na makahiki i hala, ina la ua lilo i mea e kaohi nui mai ai, a i like ai hoi me ka ke Kuhina Kalaiaina a me ka Luna-

hooponopono o na hana hou e olelo nei, e hooki ai i ka holomua ana o na hana ano nui o loko o ke Aupuni.

A he mea pono hoi e hoomanao pu ia ma keia wahi, iloko iho nei o na wa i hala, aole i hoolilo wale ia no ua mau Dala Kuikawa nei ma na hana i pili i ka huaolelo "ku i ka pilikia." Aka, ua hoolilo ia ma ke kokua ana i na hana i hoakaka kaawale ia, a me na haawina e ae i pokole mua o na dala i pau i ka ohia.

Aka hoi, aole ia he mea e manao aku ai, no keia hoolilo ia ana no kekahi wa maopopo ole o keia mau haawina i maopopo ole ka nui o ko lakou mau huina pakahi, no kekahi huina i ci loa aku i ka ka Ahaolelo i hooholo ai, alaila, he mea pono ia e hoomau aku ai i keia mau ano hana, me ka ae ole ia, a apono ia mai paha e oukou.

Ina e nana ia'ku ana na palapala i hoakaka ia iloko o ka hoike pakui, e ike maopopo ia ana na paio ikaika ana, e pili ana i keia mau Dala Kuikawa, mamua ae hoi o ka hoolaha ia ana o ka olelo hooholo i hai mua ia ae nei, a i paia ai hoi i Feb. 8, 1889. Ma keia puka ana ae o ka hoolaha o keia olelo hooholo, akahi no a maopopo mai la ia'u kona manao maoli; a mahope mai nei, ua hoao au me ka hiki i kahi wa a hiki ole no hoi i kahi manawa, e nana pono i kona hooko ia ana, i mea e loaa ole ai na hana hookuia no ka pono o ka lehulehu, e like la me ka'u e hoike aku ai ma keia mua aku.

No ka hiki ole maoli ia'u ke hele kino i kahi pakahi o keia mau pilikia kuikawa i loaa ai i ke Aupuni, nolaila, ua ili aku ia mau hana a pau maluna o ke Kuhina Kalaiaina a me ka Luna Nui o na Hana Hou, na laua e hooholo kahi maoli o ua mau pilikia 'la, me ko'u kauoha pu aku nae i ka Luna Nui o na Hana Hou ma kona wa e apono ai i ua mau hana 'la, e hoakaka pu mai ia he mau hana io i pili i na pilikia kuikawa i kulike ai hoi me ka manao i rula ia ai e ka Aha Kiekie.

O ka oiaio o ka hoolilo ia ana o keia mau Dala Kuikawa no na hana ku i ka pilikia wale no mahope mai nei o ia olelo hooholo, he mea maopopo pono ole paha ia. Aka, ua maopopo lea nae ia'u, o na Dala Kuikawa o na Alalua me na Alahaka, aa hoolilo ia i o a ianei me ka hoomaopopo pono ole ia, anoa i paha me na manao maikai a me na

hopena maikai i loa mai ma ia hana ana, aka, me ke kua loa nae i ke kahua pololei a'u e paio nei, oia hoi, e hoolilo ia na loa Aupuni e kulike ai me ka makemake o ka Ahaolelo i hoike ia, me ka nana ole i na poino ulia e hiki mai ana mamuli o ka lawa ole o na dala i manao ia no na hana hou, a e waiho ia no ka hoolawa ana i ua mau ulia 'la na ka Ahaolelo hou e noho mai ana e haawi mai, a aole hoi e lawe ae mailoko o ma dala o na haawina e ae.

I akaka pono ai ke ano o ka'u mea e hoakaka nei e waiho aku au i keia hoohalike i hoikeia malalo:

Hana hou ana i na Uwapo, me na Awapae a me	
na Mouo o Honolulu	\$ 9,000 00
Hana hou ana i na Uwapo, me na Awapae a me	
na Mouo o Honolulu, Kuikawa	15,000 00

Ano la, oiai ua hoolilo ia ka huina i hoikeia maluna a koe he \$28.53 i Ianuari 4, 1889, eia no nae, ua hele aku nei ua hana 'la imua, a ua kaki ia i ka huina i hoikeia malalo, me ka hooiaio pu ia hoi o na palapala hoapono e ka Luna Nui o na Hana Hou, ma ke ano he mau "hana kuikawa" kupono, malalo o na rala ana a ka Aha Kiekie, me kona ike pono no nae i ka manao o ua rula 'la, e olelo ana: "Aole e hiki ke hoolilo ia kekahi haawina i hookaokoa ia no ke kokua ana i kekahi hana e ae."

Oiai ua maopopo ia'u aole he hana naauao ke keakea ana a me ka rula ana aku,—e hana hou ole ia keia mau uwapo, i ike maopopo ia hoi e helelei aku ana ma ke ano kahiko a me ka hoohana mau ia, a hookuu wale aku i mea nahaha mai a poino paha ke ola, eia nae he pono ia'u ke olelo iho he hana naauao ole ka hoemi ana i na lilo i manao ia i aneane hoi no na hana hou a pau, a haule iho malalo o na huahele e maopopo ai o na lilo maoli aku ana paha ia o ia mea, i loa ai he kumu na ka Ahaolelo e hoapono mai ai, a e haawi hou mai ai paha i huina nui hou ae o na Dala Kuikawa, e hiki ai ke hoohana ia no kela a me keia hana o na ano a pau.

Oia mau ano hana, aole ia he mea kupono e lawe mai ai imua o ka Ahaolelo e hoike ai i na mea maoli i makemake ia e ke Aupuni, aka, he mau hana nae e hoolu ai i na hana "hoopeamaikai punahele," i makemake wale ia no e ka mea

nana e hoolala ka hana no kona pomaikai, aole hoi no ko ke Aupuni mau pono.

Ua hiki pu ia'u ke hoike aku iloko o keia mau hana lehulehu i pakuiia mai a i ohia mai hoi maitoko mai o ua mau Dala Kuikawa 'la, o ka uwapo o alanui Kula kekahi, alanui o Kalihi, alanui o Halawa ma Molokai, he mau uwapo me na awapae lehulehu ma Kauai, alanui mai Hilo a ka Luapele, a me na alanui e ae he lehulehu wale i hiki ole ia'u ke hookolo aku.

KA MALAMA IA ANA O NA WAIWAI AUPUNI.

Ua hoakaka ia e ke Kanawai, na ke Kuhina Kalaiaina e malama a e hoike aku, a hoomalu i na aina Aupuni a pau, na hale, na moku, a me na waiwai e ae o kela a me keia ano, a maluna hoi ona ka malama pono ia ana o na waiwai Aupuni a pau.

Ina e nana ia aku keia mana nui i haawiia me ka hui pu aku me na haawina nui i hooholoia e ka Ahaolelo no ke Keena Kalaiaina, he hiona ano nui keia e hilina i ai maluna o kekahi kanaka hookahi, oiai, aohe ona mau bona i hoakaka ia e hoopaa ai, a aole hoi ona hoopai i hoakaka ia ke hooko ole oia i na hana lehulehu e pili ana i kana oihana.

O keia hoike ana aku i hoakaka ia e ke Kanawai, aohe maoli ona wahi waiwai, a ua kokua wale ia aku no ia hoakaka ana e na huaolelo,—maluna o ke Kuhina ke koikoi o ia mau hana,—e like la me na mea i maa mau, ka hooiliia maluna o na Kuhina; aka, aole nae ia he mau mea e hiki ai ke ke'ake'a 'ku i na hana pono ole e manao ia ana e hana, no ka mea, he wahi pale wale no keia nona e huipu ae ai me kona hilina i maoli ia aku he kanaka hoopono; eia nae, aohe mau helehelena dala bona nana ia e apo, e loa ai hoi ka waiwai o ia mea, a nolaila, ua lilo iho la ia mau olelo i mea waiwai ole.

Nolaila, aole paha he mau palena kaohi iki nana e keakea kekahi Kuhina Kalaiaina i piha i na manao haakei no ka lanakila o kana mau hana malalo o keia "Mana kanaka hookahi" i haawiia, a i lilo ai hoi o kana huaolelo he Kanawai. A mamuli o keia mau ano, ua hiki wale no oia ke kono ia e pahola aku i kona mana maluna o na hana e ike

maopopo ia aku ai he mau mea nana e keakea na pono pili pono i o kekahi poe kanaka kakaikahi. O ka hoihoi ana i ka mana a pau i kahi hookahi, aole ia i kulike iki me ke au holomua o keia wa iwaena o na Aupuni waiwai a naauao.

KA PA HALEALII.

Ina ma na mea i pili i ka wawahi ia ana o ka pa o ka Halealii, ua hewa au ma ka hoapono ana, alaila ua hana au pela mamuli o ko'u ao ia ana mai, me ka like ole no nae me ko'u mau manao ma ia manawa, a aole no hoi i kaawale aku ia manao o'u, mahope iho o na nalu ana iloko iho o ko'u mau noonoo a hiki wale i keia wa, i ka uhaki maopopo ana o ke Kuhina Kalaiaina i ka pono i hilinai ia maluna ona ma kona ano he kahu malama waiwai, a he kiai maluhia hoi no na waiwai Aupuni.

Malie paha, ua loa no he mau kumu kupono ma ia manawa i manaoia ai malalo o kekahi mau mea i hanaia e wawahi ia ai ua mau pa la. Aka nae, aole loa e hiki iki ia'u ke ae aku i ka pono i lawe ia ai ka mana e wawahi wale aku i ka mea a na poe hookaa auhau i uku ai he mau tausani dala, ma kahi olelo kena ano ole wale no, a e hooili ae ia mau lilo maluna o kekahi puu dala a mau dala paha e waiho ana ia wa, a i kaa hoi iloko o ka mana o ke Kuhina Kalaiaina. O ka Ahaolelo wale no ka mana kupono nana e kauoha aku e wawahi ia ua pa 'la, a e hoomakaukau ai hoi no ia mau lilo.

O ka hoi ke e hoakaka pakahi ana i na lilo maoli o ia mau hana a me na haawina lehulehu no lakou na dala i lawe ia mai no ka uku ana i ua mau lilo 'la, e lilo ana i moolelo ku i ka nanea na oukou e nana iho ai.

NA PONO MA KA AOA O NA HANA HOU A ME NA DALA UKU MUA.

Ke makemake nei au e hoi ke aku i keia wa, i kekahi hana mau e hana ia nei i kekahi manawa, oia hoi ka hoomau ana aku i ka hana ana i na hana Aupuni mahope iho o ka pau ana o na haawina i hookaawale ia, a i hiki ole hoi ia'u iho ke hoapono aku.

Ua hooko ia keia mau hana ina aole malalo o ka aie, oia hoi ka hana ana o kekahi mea a kali i kona uku; a i ole ia, malalo o na dala i haawi mua ia mamuli o ke apono ana a ke Kuhina, ma ke ano he hooili ana iluna o ke Aupuni i kekahi huina aie uuku a nui paha; no ka mea, ina aole pela, alaila, owai la ka mea e ae ana e hana e mamua, a e kali a na ka Ahaolelo e apono mai ka uku ana.

Ina e nana ia ana ka Mahele 8 o ke Kanawai Huikala i hoakaka ia iloko o ka Bila Haawina, ua hiki ia'u ke ike he wahi kaawale uuku wale no kahi o ke Kanawai Huikala i hooholo ia ai, e uku ai i kekahi mau dala i unuhiia mailoko mai o ka Waihona e kekahi Kuhina, a i hoolilo ia no na hana hou, a i ole, e uku ai paha i kekahi mea nana i haawi mua mai ke dala i ke Aupuni ma ke ano hoi.

Ma keia mau ano elua i hoakaka ia ae la, me he la, e lawe ana ke Kuhina i ke koikoi o ia hana maluna ona, ina nae, aole oia i hana ma kahi ano okoa ae e hooili ai maluna o ke Aupuni.

Ma ke kumu mua ua akaka, he kue maopopo ana ia i ke Kanawai, no ka mea, aohe hiki ke manao ia e loa ana ia mea he Bila Kanawai Huikala; a ma ke kumu elua hoi, o na olelo wale no e hiki ai i ka Ahaolelo ke hooholo mai i Bila Huikala, oia no ka hoike ana'ku i na mea e keakea ai i na hana kaulike ole, i ka mea nana i haawi mua mai ke dala me ka manao maikai no ka hana ana i na hana hou, me ka manao na ke Aupuni e pani aku kana mau dala.

Aka hoi, ina e hoole ana ka Ahaolelo i ka huikala ana, alaila, aole wale no ia e lilo i mea e like ai me ka lawe maoli ae o ke Kuhina Kalaiaina i kekahi mau dala mai ka Waihona mai me ka mana ole, me'ke kue hoi i ke Kanawai; aka, e like ana ia me he la he hana i hooholo mua ia ma ke ano he wahi "hana akamai" i lawelawe ia nae me ka loa ole o ka haawina i hookaawaleia e ka Ahaolelo.

NA KIKOO DALA I KAKAUINOA IA, AOLE NAE I HOOPIHA IA.

O ka panina aku o ka lawelawe ia ana o keia mau hana i hoikeia malalo iho nei e kekahi hapa o ka Aha Kuhina, ina ua hana lakou pela, aole i maopopo ia'u, aka, o ke Kuhina

Kalaiaina ponoi nae kai hoike mai ia'u, he manao koho wale kona, o ka hapalua o na kikoo dala i hoopuka ia e ia no ka unuhi ana mai i ke dala mai ka Waihona, ua kakauinoa ia e ia me ka hoopuha ole ia o ka waiwai io, i mea e hoohana ai iloko o ke Keena Kalaiaina; me he mea la nae ka manao, ua hana ia paha pela no kona wa e kaawale aku ai mai ke keena.

Alaila, ina pela iho la ke ano o ke kakauinoa ia ana o na kikoo dala e ia, e hiki wale ana no ke hoopuha ia iho ka la, a me na olelo e ae e like me ka makemake o ka mea e paa ana i ua kikoo la, me ka hiki pu hoi ke ohi koke ia mai ka Waihona Dala mai, a oiai aohe mau olelo ike e hiki ai ke hoakaka no ua mau kikoo dala 'la, e hooiaio mai ai, no kekahi mau palapala i aponoia ke kumu i hoopuka ia ai ua mau kikoo 'la, alaila he mea maopopo, aohe mau mea nana e ke'ake'a ka pololei o ua mau kikoo 'la ma kona wa e ohia aku ai. Ma ka wa hoi e hookaa ia ai ua mau kikoo nei mai ka Waihona aku, oiai ua ikeia iho la ka pololei ma o ko ke Kuhina kakauinoa ana, alaila, maluna owai ke koikoi e ili mai ai o keia mau dala i hookaa ia ai ?

Nolaila, ma keia ano hana a ke Kuhina Kalaiaina, ua haawi aku la oia i kona kakauinoa ana a me kona hoapono pu hoi kekahi i kinohi, no ka hookaa ana i na aie o ke Keena Kalaiaina, a o na palapala nae i hoapono ia i kuleana ai no ka hookaa ana i ua mau dala 'la, aole oia i ike a nana iki paha, a hoomaopopo paha i na olelo o ua mau palapala 'la. Aole hoi oia wale no, aka, ua hana iho la oia me ka maopopo ole e lawe kolohe ia ana paha ua mau kikoo la, a e ohi ia ana paha e kekahi poe mawaho ae, a no na hana paha i kaawale loa aku mai na mea maoli i makemake ia.

Nolaila, e hoike aku au i ko'u kue maopopo i keia ano hana, mamuli o ke kupono ole i na lolina pololei o ka lawe lawe oihana ana. he mau hoailona hoi keia e a'o ia ai na hana kolohe, a he mau hoike maopopo ana hoi no ke apuka ia aku o ka waiwai o ke Aupuni, he uhaki maopopo ana hoi i ka hilinai i kau ia aku maluna ona, a'u hoi e ike a hoomaopopo aku nei, aohe wahi e hiki ai ke kala ae ina e noo-noo ia ana keia kumu nui, nolaila, o keia mau koikoi a pau i kau aku maluna ona, e lilo ana ia mau mea a pau i mea ole ke haalele mai oia i kana oihana.

NA LOAA AUPUNI ILOKO O NA BANAKO LILILI.

Mamuli o na lono i hoea mai ia'u, ua loaia ia'u he kuleana ma ka la 11 o Okatoba, 1889, e palapala aku i ke Kuhina Kalaiaina, e pili ana i na lilo o kekahi mau alanui a me na alahaka i hookaaia mamuli o kekahi kikoo dala a Bishop & Co. i ohiiia e ka Luna Alanui o Honolulu, mailoko ae o kekahi dala i hookomo ia aku, a i manao wale ia na ua Mea Hanohano la i hana pela, me ko'u kue aku i na hana o ia ano.

He makehewa paha ia'u ke hoi ke aku e loaia mau ana mai kinohi mai, a e loaia aku ana no paha i keia manawa, kekahi poe nana e kue kekahi kanawai e kauoha ana e hookaa ia na loaia a pau ma ka inoa o ke Aupuni iloko o ka Waihona ma ke ano he loaia Aupuni, a e hookaa wale ia aku no hoi mamuli o na kauoha a ka Ahaolelo. Eia pu no hoi lakou ke olelo nei, he nui na manawa e oi aku ai ka pomaikai o ua mau loaia 'la ke hookahana ia ma na hana hou o na wahi i loaia mai ai ua mau dala 'la, e like la me na mea i manao ia ma na hana i hookaka ma ia ae nei, a ma kekahi mau ano okoa ae hoi, i mea e hoopaa ole ia ai ua mau dala nei iloko o ka Waihona.

Ina he hana naauao ma kekahi mau ano hana, o ka mea e loaia aku ai iaia o kekahi mau dala o ke Aupuni, e lilo pu oia i mea nana e hoolilo ua mau dala 'la, koe wale no na mea i kauoha ia ma ke kanawai, alaila, heaha hoi ka mea e naauao ole ai ma na mea e ae a pau, aka, i ka wa nae hoi e hookolo ia ai pela, alaila, e akahela ka nana ana aku i ka hopena, a e akahela pu hoi no na pilikia e hiki mai ana.

Oiai ua hooikaika pinepine ia iho nei malalo o na au hooponopono Aupuni mua, a ma kekahi wa hoi ua hololea ka hoolilo ia ana o na loaia Aupuni ma kekahi mau ano hana, mamua ae o ka hoihoi ana aku ia mau dala iloko o ka Waihona, nolaila, o keia mau hao hope ia ana iho nei e hana pela, ua uuku wale no na mea i ahewa ia, a ua manao no hoi au e waiho aku i keia kumuhana ma keia wahi, me ka hili-nai aku na ko oukou Aha Hanohano e hookolo mai ina ua oiaio a oiaio ole malalo o keia kumu, ua ke'ake'a io ia paha aole paha ka hoolilo ia ana o na dala Aupuni, a ua manao hoi oukou ua kupono ke ahewa ia kekahi mea, a owai la ia, a ua lawa pono hoi iloko o ko oukou noonoo ka oukou

olelo hooholo e pili ana ia mea, eia nae, no keia mau kumu malalo iho, aole e hiki ia'u ke waiho wale aku pela.

Ka mua, no ka mea, malalo o kekahi poo manao i hoakaka ia iloko o ka nupepa *Buletina*, ahiahi o Okatoba 14, a i hooiaio ia mai ia'u mai kekahi mai a oi aku paha o na hoa o ka Papa Kuhina, ua hoao ia e hookaawale loa aku ma ka lakou ano hoakaka, na mea e pili ana i ke kue ia o ke Kana-wai, a e pale pu aku hoi i ka poe a pau i hoahewa ia ma ia hana. Nolaila, ke manao nei au, aole e hookuu wale aku ia mau hoakaka me ka pane ole aku imua o ko oukou Aha Hanohano, a me ka lehulehu a pau e noho mai nei i hiki ole ke ike i ka oiaio o na mea i hoakaka ia, a i hoao ia hoi e alo malalo o ia kumumanao.

Ina lawelawe ka Luna Alanui maluna iho ona e ohi i ka huina o \$3,680.65, he dala hoi a ka Hui Alahao e noho aie ana i ke Aupuni Hawaii, a waiho aku oia i ua mau dala nei me Bihopa & Co., a unuhi hou mai malalo o kana mau kikoo dala ponoi, me ka manao e hookaa i na aie e pili ana i na alanui a me na alahaka wale no, me ka loaa ole aku o kekahi kauoha maopopo mai ke Kuhina Kalaiaina aku e hana pela, alaila, he hana keia i oi loa ae o ka mahaoi kiekie i ike ole ia mamua, ka lawe ana i keia mea he mana; he hana hoi i pale ole ia ae e ke Kuhina Kalaiaina ma kana mau hoakaka, e olelo ana la hoi ua hana ia keia mau hana me ke kue i kana mau kauoha, a i ole ia, malalo la paha o ka manao kuhihewa a ano hemahema e ae paha.

Ka lua; ma ke ano o ka ua Mea Hanohano la palapala, me he la penei ka manao: ina la i lawe ia mai no ua mau bila aie nei a ka Luna Alanui e hookaa ana a hoike ia'ku i ka Luna Hooia, ina no ua apono ia no e ia, he olelo hoakaka nae ia i nele i ke kahua, a i kupono hoi ia'u e hoole aku, no ka mea, ua maopopo pono no paha i ua Mea Hanohano 'la, aohe wahi mana iki i loaa ia'u e apono aku ai i kekahi dala i ohiaa, aia wale no malalo o na haawina i hooholo ia e ka Ahaolelo, a ua hiki ole hoi ia'u, a aole no hoi au e ae e hoapono aku i ka ohi ana mai i kekahi dala i waiho ia iloko o ka Hui o Bihopa & Co. a'u pu hoi i ike ai, aohe wahi kulelana e waiho ia ai ilaila.

KE AWA O HONOLULU A ME AINAHOU.

O ka lepo i loa mai mamuli o ke kope ia ana o ke awa o Honolulu, ua hooliloia ia no ka hoopiha ana ia Ainahou, a o na lilo nae o ia mau hana, ua kaki ia i ka haawina "Kokope ana i ke Awa o Honolulu."

Ma kekahi manawa mahope mai o ka pau ana o keia mau dala i ka hoolilo ia, a koe iho he wahi koena uuku wale no, lohe mai la au ke hoomau ia ala no ua hana kope awa nei, aka, malalo nae o na lilo o ka Hale Makeke Hou, a o ka lepo nae hoi i loa mai ma ke kope ia ana o ke awa, me he mea 'la e hooohana ia ana i kahua no ua hale 'la, aka, ma na helehelena oiaio maoli nae, he hoopiha maoli ana ia Ainahou, a mamuli o ka loa ana o ke apono a ka Luna Hooia, i hana ia me na hana malu, a kue maopopo hoi i na hana hoopono e manao ia ai e puka mai ana mai ke pco o kekahi Buro e like me ia, me ka hoakaka ole ia hoi iloko o ka papa hoike uku o na paahana o na mea oiaio e hiki ai ke ikeia, aka, ua hana ia nae me na mea e hiki ai ke alakai hewa i ka Luna Hooia, i mea nona e manaoio ai he hana maoli i hana ia no ka Hale Makeke Hou wale no, oiai nae ka oiaio maoli he kokope ana i ke awa o Honolulu, a he hoopiha pu ana ia Ainahou me ka pau pu hoi o ka haawina i ka hoolilo ia e like me ia i olelo mua ia ae nei.

Malalo o keia mau kumu, ua apono au ia'u iho i ko'u hoapono ole ana i ua mau papa inoa hookaa dala nei, a hiki i ka wa e maopopo pono ai ia'u ka pololei.

O na olelo hoakaka i hoikeia mai e ka Luna Nui o na Hana Hou, i kona manawa i ninau ia ai, ua akamai maoli no, koe nae aohe wahi e hiki ai ke kokua ia mai, no ka mea, ma kana olelo ua pau pono loa ka lakou hana o ke kokope ana i ke awa, a ua pau loa i ka hana ia, a aohe mea hou e hana aku ai no ia mea, alaila, ua manao au he hoike ana mai keia i kekahi mea, aole loa i loa iki i ke awa o Honolulu, aka, ua hai wale ia no pela i loa ai ke kumu e waiho mai ai ma ka hoike hou ana, e like paha penei, no ka pau ana o na hana o ke awa, nolaila, ua hooohana lakou i ka mea kope awa i mea wale no e loa ai ka lepo a me na mea e paa ai ke kahua no ka Makeke Hou, a malaila e hooili ai i na lilo a pau maluna o ka haawina o ka Makeke Hou.

Ua hoomau ia aku no keia hana a hiki wale mai nei no i ka piha ana o keia Kau, a he mea maopopo pu no hoi ke lawe mau ia nei no na lepo a me na lako e ae mai ke awa mai.

Ma kekahi palapala a ke Kuhina Kalaiaina o Feb. 26, 1890, ua ike iho la au i keia mau olelo: "Ma kau mau olelo hoakaka e pili ana i ka hoopihia ia ana o Ainahou, malalo o na lilo o ka Haawina o ka Hale Makeke, e pane aku au ua alakai hewa ia oe i na kumu oiaio maoli, no ka mea, aohe mau lepo a me na lako e ae i hanaia, a i ole e hana ia'ku ai paha no ka hoopihia ana i kekahi wahi e ae, koe wale no no ke kahua o ka Makeke malalo o kela Haawina."

Nolaila, malalo o keia hooiaio ana ina la i lilo he oiaio, he mea ia e hoonee aku ai i ko'u mau manao, he mau hana hoo-poho la keia i ka pono o ke Aupuni, nolaila, ma ka la 27 o Feberuari, ae aku la au malalo o kekahi palapala i kakau ia e a'u e hoapono i na lilo a'u i hoole mua ai. Aka nae, iloko no o keia mau hooiaio ana a pau i waiho ia mai, ua loaa ia'u na kumu a pau e manaio ai, ua oi aku ka nui o kahi i hoo-pihaia malalo o na lilo o ka Makeke Hou mamua ae o na mea i makemake ia no ua kahua Makeke 'la; a he mea maopopo pu no hoi e hiki ana keia mea ke hooiaio ia.

KELA ME KEIA LILO ME NA AELIKE KUIKAWA.

Eia hou no kekahi hana hemahema e lawelawe ia nei ma kela a me keia keena a Buro hoi o ke Aupuni, he hana hoi i ikeia o kona nee mau ana aku imua, oia hoi ma ke ano he mea na na luna a poe e lawelawe ana i na oihana Aupuni e hoike mai ai, me he mea 'la o na dala Aupuni i hoolilo ia e lakou, e like paha penei: no na uku kaahela, uku moku, lilo kaa a me ka hoolimalima lio ana, kakau kope ana paha, a me kela me keia mau ano lilo e ae; alaila, he hana pono wale no i kekahi, a i ole, ia lakou holookoa no paha a pau, ka hoopihia ana i kekahi palapala paihakahaka, a bila i hana wale ia no ke poo maluna, a i waiho hakahaka ia nae, ma ko lakou inoa, i apono ia hoi e lakou ponoi iho no, i mea e hiki ai ke ohi mai i ua mau huina dala 'la mai ka Waihona mai, me ka hiki ole nae ia lakou ke waiho mai i kekahi olelo hooiaio nana e apono ia mea, mai ka poe mai i loa ai o ua mau bila nei, a i ole, e hookaa ia aku ai paha ua mau dala nei.

A no keia mea, ke hooalahala hou nei au no ke kupono ole maoli o ia mau hana, no ka mea, oia mau ano palapala i hoikeia ae la, aole ia i kulike me ka makemake o ke kanawai, ina no ua kekahi Kuhina o ke Aupuni i hoapono, a poo paha o kekahi Buro, a i ole, kakauolelo paha. Ua hoonee ia aku keia mau ano hana hemahema a hiki aku i kahi o na hana oi o ke koikoi, e ane hiki ole ai hoi ke hoapono ia ua mau ano lawelawe la, e like la me na hana kupono o ka hoopono-pono naauao ana i na dala o ke Aupuni.

E waiho aku au i hoohalike no keia mea, e like me nei, a e pili ana hoi i ke Keena Kalaiaina. Ma ka la 7 o Iune, 1889, ua waiho ia mai kekahi o keia mau palapala i kapaia he palapala hoapono, a i hooiaio ia hoi e ke Kakauolelo Nui o ua Keena la, no \$20,000.00 ma ka inoa o ka Hui o W. G. Irwin & Co., e hoakaka ana he mau dala e kuai aku ai, a i ole e kauoha aku ai paha i na paipuwai, no ka pono o na paipuwai a pau o loko o ke Aupuni.

A no ka hele wale ana mai o keia palapala i kapaia he palapala hooiaio kupono, me kekahi hooiaio hou ole ae e lawa ai ka makemake o ke kanawai mamua o ka hiki ana ke apono aku, nolaila, ua hoole iho la au, aole e hooia ia mea, a eia wale no ko'u hoapono ana i ua palapala 'la mahope iho o ka hooiaio ana mai o ke Kakauolelo Nui, he aelike ke kakau ia ana e hoakaka ai i ua huina dala 'la, ma ke ano he dala haawi mua, a oia hoi kekahi hapa a apana paha o ua mau hana 'la, a e haawi ia mai ana hoi ia'u kekahi kope o ia mea i ka wa e pau ai i ka hana ia. Ua hooikaika pu ia mai no hoi ma ia wa, na olelo ana i ke kupono e hooona koke ia ua aelike la me na dala, ma ka mokuahi e lawe ana i na leta a e holo ana hoi ma ka hora 1 P. M. o ua la 'la no.

Nolaila, malalo o keia mau hoakaka ana i waiho ia mai ai ia'u i hilina'i ai au, aka nae, mai ia manawa mai a hiki i keia wa a'u e kakau nei, o na hooiaio wale no e waiho nei iloko o ke keena o ka Luna Hooia e pili ana ia hana, oia wale no ua palapala la i kapaia he hooiaio kupono, a me ke kope o kela leta o Iune 7 mai ke Kuhina Kalaiaina aku a ia W. G. Irwin & Co., a i hiki ai hoi ia oukou ke ike iloko o ka hoike pakui. Ina e hiki ana keia ke manao ia he aelike, alaila, me he mea la, he oi aku keia o ka aelike kapakahi.

Ina ua haule ino loa iho nei ka inoa aie maikai o ke Au-

puni, a'u hoi e hoole nei aole pela ka oiaio, a ua manao ia nae i mea e holopono ai na hooponopono ana e pili ana i ke kuai ana o keia mau paipuwai mawaho ae o kakou, a e hiki aku ai hoi na lilo mai ka Waihona ae o ke Aupuni i ke \$40,000.00, a ua manao ia nae, o ka mea i kupono maoli. a i ole o ka pomaikai nui maoli no paha, o ka hookaa ia o kekahi hapa o ua huina la ma ke dala maoli i kinohi, me ka loa ole mai o kekahi aelike panai mai kekahi aoao mai e pili ana ia hana, alaila, o ka mea wale no i kupono e manao ia aku ai ma ka lawelawe oihana kupono ana, o ka hana maoli aku no i aelike kupono i ke kanawai.

Me ke kanalua ole i na manao hoopono e hiki ai ke hilina'i aku i ka hui o W. G. Irwin & Co., ka poe i haawi ia aku ai o ua dala nei i kinohi, alaila, me he mea la ma ko'u nana ana, aole o ka lakou ukupanee i hoemi ai no ka 7 pakeneta no ka makahiki, he maunu kupono e hoomana ia ai ka lawe ana ae i \$20,000.00 o na loa Aupuni mailoko o ka Waihona, me ka loa hou ole mai o kekahi mau hooiaio paa mai a lakou mai, a'u hoi e hoole nei aole au i ike iki a lohe iki paha.

MALAMA ANA I NA PAAHAO.

Ma ko'u makaikai ana i na palapala hoapono o ka malama a me na papa uku dala no ka malama ana i na paahao no ka mokupuni o Hawaii no ka malama o Ianuari, ua ike iho la au i kekahi mau huina i oi aku mamua o \$500.00, no ka uku o na luna, he mau mea i hoolako ia aku oiai lakou e hana ana ma ke alanui o ka Luapele, a no ko'u ike ana ua pau ka haawina o ia hana i ka hoolilo ia, akahi no a ulu mai iloko o'u ke ano pono ole o ia hana, a mamuli o ia manao kanalua o'u, ua hoole iho la au i ka hooia ana aku i kela mau palapala hoapono e pili ana ia mau hana, a hiki i ka wa i hoonee ia aku ai ua kanalua la mai a'u aku.

Ma ka la 26 o Feberuari, ua loa hou mai la ia'u kekahi palapala e pili ana ia kumuhana, mai ke Kuhina Kalaiaina mai, me kana mau hoakaka pu hoi e pili ana i ke Kanawai, a me na mea i hana mau ia e pili ana i ka malama ia ana o na paahao, me kekahi kauoha pu hoi e hooia aku au i na bila i kue ia; aka, ua hoomau iho la no au i ka hoole ana e hana pela, me ko'u olelo aku, ua makaukau au e hele imua o ka

Ahaolelo ma keia kahua a'u i ku ai, koe wale no, aia a ua manao ua Mea Hanohano 'la he kupono ke noi aku oia i ka Aha Kiekie e rula mai.

A no kona ike ana paha, ua loa iaia he hihia maikai ma kona aiao, nolaila, ua hooko ia mai la kekahi palapala kii i ka Luna Hooia mamuli o ka hoopii ana a ua Kuhina la i kekahi "Palapala Koi Kauoha" (Mandamus), i Maraki 2, e hoike aku i na kumu o ko'u hoole ana. Ua hana ia iho la ua hihia la imua o ka Mea Hanohano Lunakanawai McCully, i Maraki 11, a ua haawi ia mai la ka olelo hooholo i Maraki 21, ma keia ano, oia hoi: "Aole e hooko ia ua Mandamus la."

Oiai, ua nui na paewaewa e pili ana i keia hihia mawaho ae o na mea i hoikeia ma ia hana ana, a i kupono hoi na ka Ahaolelo e hooponopono mai, i mea e keakea ia'ku ai ma keia mua aku, ka hoolilo pono ole ia ana o na dala no ka malama ana i na paahao, nolaila, ua manao au he mea kupono e waiho aku i na kumu a pau imua o ko oukou Aha Hanohano, i mea e hiki ai ia oukou ke hooholo no oukou iho i ka oukou mea e hana ai e pili ana i keia mea.

Maloko o na haawina lehulehu i hookomo ia malalo o ka inoa Oihana Kalaiaina, elua mau haawina no ka malama ana i na paahao, hookahi no ke \$80,000, a hookahi no \$15,000; a malalo hoi o ke Kanawai ua hoonaia ia ke Kuhina Kalaiaina e hoohana aku i na paahao me ka malama pu ana aku ia lakou mailoko ae o keia mau dala.

Mamua ae o Maraki 1888, ua lilo i mea maa mau ka hoohana ia ana o na paahao ma na hana Aupuni me ka hoakaka maopopo pu ia hoi, ina ua hookaokoa, a i ole hui ia paha na haawina o ka malama ana ia lakou, eia nae e hoouku ia ana no ia hana kaawale o ke Aupuni i 50 keneta o ka la hookahi no ke kanaka hookahi no kana hana ana, a oia mau dala nae e hoihoi ia'ku anailoko o ka Waihora ma ke ano he "Loaa Aupuni." Aka, e aneane ana nae paha ma ia manawa, ua hoopau ia iho la ia hana maa mau, a ua lawe ia'ku la na paahao e hoohana ia ma o a maanei, a aole wale no malalo o na hana Aupuni i hookaokoa ole ia o ko lakou mau haawina, aka, i mea e koku aku ai i kekahi haawina okoa ina paha i pau ole mamua i ka hoolilo ia, a pau paha i ka hoolilo ia mahope mai me ka uku ole nae i ua poe paahao la, a nolaila,

ili iho la maluna o ka haawina o ka malama ana i na paahao na lilo a pau.

Ua hiki ke ike koke ia ma ka nana ana ua hoole loa ia a ua keakea maoli ia ka manao maoli o ka Ahaolelo i hooholo ai, mahope iho o ko lakou noonoo akahela ana, oia hoi ka hookaawale kaokoa ana i na haawina no na hana lehulehu i hoonoho ia malalo o ka mana o ke Keena Kalaiaina, ina e hiki ana ke kokua pakahi ia aku ia mau hana kaawale me ka palena maopopo ole, mailoko ae o ke \$95,000 i hooholo ia ai no ka malama ana i na lawehala, oiai no hoi e emi ana na loa e puka mai ana mai ka hana ana a na paahao no keia kau i hala, a e waiho ia'ku ai hoi iloko o ka Waihona a hiki i ke \$30,000, mamuli o keia auhau ole ia ana i uku no ka lakou hana ana. Eia iho malalo na huahelu ciaio e pili ana i keia mea:

Loaa mai ka hana mai a na paahao, 1884-85.....	\$60,960 44
“ “ “ 1886-87.....	48,015 71
“ “ “ 1888-89.....	18,894 02

i hiki hoi i ka \$29,121.69 ke emi ana malalo o na makahiki mua elua, a i \$42,066.42 ke emi iho malalo o na loa a 1884 a me 1885.

O na loa holookoa o na hana a na paahao, no ka mokupuni o Hawaii, no ka malama o Ianuari, ua hiki wale no i ka \$188.45, oiai hoi ka lilo no ka malama ana i ua poe lawehala nei a me na luna no ka hana ana ma ke alanui o ka Luapele wale no, ua hiki aku la i ka \$553.40; alaila, eia ka ninau: Heaha la ka huina nui o na loa no ka mokupuni holookoa no ka malama o Ianuari, ina i auhau ia ka uku paahao ma ke 50 keneta o ke kanaka hookahi no ka la hana hookahi?

Ke hilinei nei au e hiki ana i ko oukou Aha Hanohano ke ike mai i ka hana kupono a oukou e hooholo ai, e hiki ai ke hoolawa ia na mea i makemake ia no keia mau hana Aupuni, a'u hoi e manao nei he oi aku ke kupono e hoihoi hou aku ma na ano hana o ka wa mamua, oia hoi ma o ka hooholo ana 'la i Kanawai e kauoha ana i na hana a pau a na paahao, e hoohana ia ai ma na hana Aupuni o kela me keia ano, e ukuia ia mailoko mai o ka haawina i hookaawaleia no ia hana ponoi o ke Aupuni ma ke 50 keneta o ka la no kela

me keia paahao e hana ana, a oia uku e loa mai ana e hoi-hoi ia iloko o ka Waihona ma ke ano he loa Aupuni.

A o ka uku holookoa hoi o ka malama ana i ua poe paahao nei, a me ka uku o na luna, ina no ma na hana o ke Aupuni kahi i hoohana ia ai, a i ole, he noho wale iho no paha iloko o ka halepaahao, e hooukuia ia maluna o ka haawina o ka "Malama ana i na Paahao."

A o na palapala hooiaio hoi no ua mau hana la i lāna ia ma na hana Aupuni, a me na palapala pu hoi no na lilo o ka malama ana ia lakou, e waiho ia mai i ka wa hookahi no imua o ka Luna Hooia no kona apono aku, mamua ae o ka uku ia ana.

A e hookaokoa hoi i haawina no na pilikia i ike ole ia e ala mai ana, a malalo hoi o na haawina a pau e uku ia ai ke dala, e hoomana ae ke kanawai ma ia mea, e hoohana wale ia no na paahao ma na hana paa mau, a e hiki ai hoi ke kapa aku he hana hoomau, a i hookaawale ia hoi he haawina i kela a me keia makahiki, e like la me ko na alanui a me na alahaka, a puni ka paeaina.

He mea no nae i maopopo e paio ia mai ana keia kumu, e like ana keia ano hana i hoakaka ia ae la, me ka hoopina ana i hookahi pakeke Aupuni wale no, a na kekahi pakeke nae ka lilo, a malia paha pela io no.

Aka hoi, ina e nana ia ana ka hopena o na hana o ke au i hala aku la, alaila ua maopopo ia'u, e ike mai ana ka mea hookaa auhau, oia i ua pau loa aku la na dala i hooholo ia no na hana hou, a me na dala pu o ka malama ana i na paahao i ka hoolilo ia, alaila, he oi aku kona hauoli ina e maopopo ana iaia, ua loa aku i ka Waihona he \$29,121.69, mailoko mai o na loa o ka hana a na paahao o ka piha ana o ia mau makahiki elua, mamua ae o ka ike ana aku aohe wahi dala iki i loa mailoko mai o ia hana.

Ina la aole no ka hooikaika mau ana o keia Buro i kela a me keia wa e hoopili aku i na hana a ke keena Kalaiaina, ma ke ano he lala no ia keena, e pakui aku ai no na haawina i pau i ka hoolilo ia mailoko ae o kekahi mau haawina okoa, alaila, koe wale no, hookahi a'u kumuhana nui e kamailio aku ai e pili ana i keia keena.

Ma ka Mokuna 70 o na Kanawai o ke kau o 1888, ua hoakaka ia o na opiuma e hopu ia ana e na makai, e haawi ia

aku ia i ka Papa Ola. Ma kekahi ano, ua hooko ia iho nei no keia kanawai, aka nae, ina e nana ia aku ka manao o ka palapala a ke kakauolelo i palapala mai ai i ka Luna Hooia, oia hoi o ka hoahu ia ana o keia laau, ua lilo i mea e ulu nui mai ai na kuae a me na lawelawe lima mau ia ana. He mea i manaolana nui ia, aia aku la keia koena opiuma i pau ole i ke kuai ia ke waiho la me kona kahua malama kupono, aka, aole nae keia mea i pili ia'u, koe wale no ka'u hana nui o ka nana aku i ka hoihoi ia o na loa a o ka opiuma i kuai ia a komo iloko o ka Waihona.

Mamuli o kekahi itamu \$235, i hoike ia he loa Aupuni, i loa mai mamuli o ke kuai ia ana o kekahi opiuma e ka Papa Ola, na kumu i ala mai ai o na palapala i hoakaka ia ma ka hoike pakui, no ke ake nui e loa hou mai ona mau hoaiia ana e pili ana i keia kumuhana, a oia hoi o na dala mua wale no keia i loa mai no keia mea he opiuma, malalo o ko'u ike iloko iho nei o keia kau, a ua hoonele ia hoi i na ike a'u i makemake ai mai kekahi mau wahi e ae; nolaila, aohe a'u mea hou aku e hiki ai ke ike, no ka mea, me he mea la aohe poe i ike iki i na mea e pili ana i keia mea he opiuma, e like la no hoi me na mea maa mau e pane ia mai ai ke ninau aku no ia mea.

Nolaila, me keia mau olelo a'u e hoike aku nei, aohe au i hilina'i iki i ka pono o na ike i hoike ia mai ia'u, nolaila, e waiho aku ana no au na ko oukou Aha Hanohano e noonoo mai mailoko ae o na palapala pakui i kuhikuhi ia aku nei, a he mau helehelena hoi maloko o ia mau palapala e hiki ai i na kanaka noonoo, a i kamaaina hoi i ke Kanawai ke ike i na hoowalewale nui e pili ana i keia ano e lawelawe ia nei o ia apana hana.

KEENA O KA LOIO KUHINA.

Ke makemake nei au i keia wa e hoike pokole aku i na mea e pili ana i keia keena, a i loa mai hoi ia'u na launa oluolu ana mai ka mea e noho nei ma ia oihana ma ua mea a pau e pili ana i ka lawelawe ana i ka'u oihana. Ma kana mau palapala hooiaio a pau a me kana mau moowaiwai ua pololei wale no, a he hookahi wale no paha a'u wahi mea e kamailio aku ai, a ua waiho ia aku no ia mea imua o ke Kau Ahaolelo i hala aku la me ka'u hoike mua.

Aia iloko o ka Bila Haawina, ua kakau ia malalo o ke Poo "Oihana o ka Loio Kuhina" keia mau mea: "Kela me keia lilo o na hana Kivila a me ke Karaima," a ua hoolilo nui ia iho nei ia huina ma ka hoolimalima ana i mau Loio kokua hou ae mawaho, no na hihia Kivila a me na hihia Karaima. O ke kumu nui wale no e pono ai ke hooholo ia ma ia mea, oia keia: Ua manao ia anei ia mau haawina e hoolilo ia ma keia mau ano hana, a aole paha?

Iloko o ka nui o na manao lehulehu e pili ana i keia kumu, nolaila, aole au i manao he hana kupono ia'u ka hoole ana aku i ke apono i ua mau palapala hooiaio nei ana, no ko'u manao he kumu ano nui keia e pono ai ke waiho aku na ko oukou Aha Hanohano e hooholo mai.

O ka nui o na dala i uku ia i na loio kokua mawaho ae iloko iho nei o keia kau o na makahiki elua, he \$3,291.50; a ua lawe ia mai keia mau dala mailoko mai o ka haawina o "Kela me keia lilo o na hana Kivila a me ke Karaima."

OIHANA O NA AINA E.

O ke kumu nui hookahi wale no a ka Mea Hanohano ke Kuhina o ko na Aina E, i loa ai na kua me ka Luna Hooia, ua ulu mai ia mamuli o ka makemake o ua Mea Hanohano 'la, e hoolilo i kekahi o ka haawina i kapaia "Na lilo o na Akena ma na Aina E," no ka hookaa ana i na lilo e pili ana i ka Hoike o Hawaii ma ka Hoikeike Nui o Parisa, a me ko'u hoole ana hoi aole au e apono ia mea, malalo o na kumu, aole au i manao iki, ua komo iki kekahi noonoo iloko o ka Ahaolelo e hoolilo ia kekahi o ia haawina e like me ia i makemake ia ai.

BURO HOONOHONOHU PAPA.

Mamuli o ka hoike ia ana mai ia'u, ua ano kaohi ia mai i keia wa na mea e hiki ai ke hoonohonoho papa ia me ka maikai na hana a pau e pili ana i ke Aupuni, ka noho ana, ke ola, a me kela me keia mea, a aole hoi he loa iki o kekahi papa hoonohonoho o ia ano e hiki ai ke hulinai ia, nolaila, ina e hoala ia ana kekahi Buro hoonohonoho no ke Aupuni, alaila, e lilo ana ia he mea waiwai nui.

Oiai au e hoike ana i ko'u makemake piha i keia manao,

ke ike maopopo nei no nae au, aole loa e hiki ke hana ia kekahi mea o ia ano, aia wale no a hookaawale kaokoa ia kekahi Buro no ia hana, a i kaa hoi malalo o ka hoomalu ana a kekahi Luna Aupuni kupono, i hiki ai ke lawelawe ia hana.

NA OLELO HOPE.

E hiki ana paha i ko oukou Aha Hanohano ke ike mai, mahope iho o ko oukou heluhelu ana i keia hoike a me na pakui, ma na mea e pili ana i ke Keena Kalaiaina, ua hana paha kela keena i na mea e hooholomua ai i na hana oi ae o ka maemae a me ka ole. He mau wahi maemae uuku wale no kai hiki e ikeia, i oi ae mamua o na hana o na wa i hala e pili ana nc ka hooko ia ana o na kauoha a ke Kanawai Hooia, a ua hooko wale ia no na olelo o ia Kanawai i na wa e kupono ai i ko lakou makemake, a i na wa e kupono ole ai, aole e hooko ia ana.

Nolaila, ma na wa a pau o kekahi Aha Kubina e manao ai ua kaa holookoa ia lakou ka mana, a o lakou wale no ka poe e kau aku ai o ke koikoi o na hana a pau, a o keia mea he Luna Hooia, ina aole e hoopau loa ia ia kanaka, alaila, e lilo wale no oia i Ki laau hulahula e hiki ai ke kakau hoapono aku i ka lakou mau hana a pau, a i kokua pu ia mai hoi e kekahi kunilaholio, alaila, pela iho la ka loihi e lilo ai na hooikaika ana a ka Luna Hooia e hooko i ke Kanawai, i mea kua ia mai e lakou me ka ikaika, a o ko lakou mau hoaloha pu hoi, a e hoao ia ana ma na wa a pau e alo ia ae ai na wahi hemahema o ke Kanawai, a i ole, alo ana ae paha o ka maka o ka poe nana i hooponopono ka Bila Haawina, i mea e hooko ia ai ka lakou mau hana maalea ina e hoapono ia a hoapone ole ia paha e ka Luna Hooia.

Ma ke koho wale aku, he uuku wale no na wahi mea iloko o ke Kanawai Hooia mawaho o na mea i hiki wale ai no ke hooko mau ia, malalo o na ano hana maa mau; a he oiaio hoi, aole mea e ae mawaho o na mea i makemake nui ia, oia hoi ka lawelawe rula ana a me ka hoomoakaka ana, a me ka hooiaio pono ana i na hana hooponopono pololei ia ana o na loa a me na lilo o na dala o ke Aupuni, a he hana hoi ia i kupono e kokua ia e na poe a pau e ake nui ana i keia mea he hooponopono Aupuni maikai. Hookahi mea nui i emi

hope mau ai na hana e pili ana i na hoolilo o ke Aupuni, oia keia: O ke Eke Dala o ke Aupuni aia i Honolulu kahi i waiho ai, a o na hana Aupuni hoi e lawelawe ia ana ma kekahi mau apana lehulehu o keia paeaina, a i kaawale hoi mai Honolulu mai, e koi mau mai ana lakou i ko lakou kuleana iloko o ua eke dala 'la; me ka hoike mua ole ana mai ma Honolulu i na hooiaio, oia hoi na palapala i hooiaio pono ia a me na papa uku dala o na hana i lawelawe ia mamua ae o ka haalele ana iho o ua huina dala nei i koi ia mai i ka Waihona, e like la me ka ke Kanawai mea i makemake ai; a no ka hooko ole ia e like pu me ia aohe no he mau kue nui i waiho ia mai ia'u, a aole no hoi o'u manaoio he wahi kumu kue iki kekahi.

Ano la ma na mea e pili ana i na dala loa o ke Aupuni ma na apana kuaaina, aole i palupalu loa na ano e hiki ai ke hooko ia ke Kanawai, a aole no hoi au i manao he mea kupono ke hooko loa ia aku ke Kanawai ma ia mau wahi, e like la me na mea i ike ia ma kekahi mau manawa; mamuli o ka hakilo akahela ana, ua aneane hiki ole maoli no, a me ka nui no hoi o na ano pahemahema a like ole, a e lilo aku ai hoi i mea e kue maopopo ai i ka pono kaulike o ka mea e lawelawe ana, ma ke ano he Kakau Buke no ke Aupuni ma ia mau wahi. No ka mea, ma ia ano kulana, o na poe e lawelawe ana ia mau ano hana malalo aku o ka Hale Leta, Hale Dute, a Oihana Luna Makai paha o na apana kuaaina, e koi ia aku auanei lakou ina lakou e hoihoi ana i ka lakou mau loa a pau i ohi ai a i ka Waihona, e like me ka ke Kanawai i kauoha ai, alaila, e hookoe auanei lakou i kekahi mau dala ma ko lakou lima i mea e hiki ai ke uku i ko lakou mau lilo oihana, me ke kali mai aia a mai Honolulu aku nei e pani ia aku ai ua mau dala la, he hana hoi i kaulike ole e koi ia aku ai maluna o keia poe Luna Aupuni, a aole no hoi ia he koi hanohano ana mai na poe hobponopono Aupuni e koi aku pela i ka poe e noho hana ana malalo o lakou.

A o ka hana maa mau ma keia mau lawelawe ana iho nei i hoike ia ae la, oia no ka uku ana aku i na lilo oihana o ua mau Keena la mailoko ae o na dala e loa ana ia lakou, a o ke koena wale no ke hoihoi ia mai i na poo o na Keena e lawelawe pu ana me lakou ia mau ano hana, a ma ia mea i lilo ai na luna keena maanei i wahi na lakou e waiho mai ai

i ka lakou mau hoike, a na lakou hoi e hooponopono aku me ka Waihona, a e waiho pu aku hoi i na hoike malama me na palapala i hooiaio kupono ia imua o ka Luna Hooia.

A oiai no nae ua kue keia i ka makemake o ke Kanawai, o ke kakaikahi wale no hoi o keia pōe e lawelawe nei ma keia ano, a me ka uuku pu no hoi o na huina i lawelawe ia ma ia ano, alaila, aole au i manao iki, ua pono keia leo wawalo e olelo nei "aohe waiwai iki o ke Kanawai holookoa a pau e pili ana i ka hana hooia, a ua hiki ole hoi ia Kanawai ke lawelawe ia me ka pau pono o na mea i manao ia, a he mea pono hoi e hoopau ia, oiai no nae e ae aku ana au he mau hemahema kekahi i pono ai ke hooponopono hou ia.

Ma ke kamaailio ana aku i na mea i koe i hoike ia iloko o keia hoike ma kahi o na wahi i hooko ole ia ai ke Kanawai, he manaoio ko'u ua hiki ia'u ke kuhikuhi aku i ke kahua nui o ka hewa i oi ae mamua o na hana e ae a pau, oia hoi ka lawa kupono ole o na mea i manaoia ma kekahi mau manawa iloko o ka Bila Haawina no na hana hou.

E OLA KA MOI I KE AKUA.

GEO. J. ROSS,

Luna Hooia Nui o ke Aupuni.

PAKUI.

Feberuari 2, 1889.

I KA MEA HANO HANO JNO. AUSTIN,

Kuhina o ko na Aina E, &c.

ALOHA OE:—Ua loa ia'u ke kuleana e hoihoi aku i kou hanohano i ke kope o ka palapala hooiaio i waihoia mai e pili ana i ka aie i ka Hui Hawaiian Gazette Co., no na dala he \$30, a i hoikeia mai e hooili aku ia aie maluna o ka haa-wina o "Na lilo o na Akena i na Aina E," a'u hoi e hoole aku nei, aole au e ae, no ka mea, aohe mau hooiaio ma ua palapala nei i waiho ia mai e maopopo ai ka pono oia hana ana pela, a me ko'u manao pu hoi ina pela e hana aku ai, he hoololi maopopo ana ia i na loa ma kekahi kumuhana i manao ole ia.

Me ka hanohano nui i ili mai ia'u,

Owau iho no ka kou hanohano

Kauwa hoolohe,

GEO. J. ROSS,

Luna Hooia Nui.

Feberuari 4, 1889.

I KA MEA HANO HANO W. L. GREEN,

Kuhina Waiwai, &c.

ALOHA OE:—E oluolu kou hanohano, e waiho aku au i ke kope o ka'u leta i ka Mea Hanohano ke Kuhina o ko na Aina E, he leta hoi e hiki ai ke hoakaka nona iho, a ke noi aku nei au me ka mahalo i kou hui pu ana mai me a'u, ma ke keakea ana i ka unuhi mai i na dala mai ka Waihona, no na kumu i hoakaka ia ma ka lakou palapala i hooiaio ia, e like penei: "Na lilo o ka Hoikeike nui o Parisa," e hooili

ia'ku ia aie maluna o ka haawina o ko "Na lilo o na Agena i na Aina E;" oiai he hoololi ana ia i na loaa, mai kekahi wahi mai a'u e manao nei, aole loa i ae ia a i manao ia e ka Ahaolelo pela.

Me ka hanohano nui i ili mai ia'u,
Owau iho no ka kou hanohano
Kauwa hoolohe,

GEO. J. ROSS,
Luna Hooia Nui.

Feberuari 8, 1889.

I KA MEA HANOHAHO L. A. THURSTON,
Kuhina Kalaiaina, &c.

ALOHA OE:—Ua kahaha nui au ma keia la i ko'u heluhelu ana iho no ka manawa mua i ka olelo hooholo a ka Aha Kiekie e pili ana i ka hihia o na Paipu-wai ma Kalaupapa, i waiho ia mai e kou hanohano. Ma ko'u ike ana, aole i pili wale no ka lakou olelo hooholo i "Na Haawina a pau;" a i kulike ai no hoi me ka'u mea i manao mau ai, aka, ua pili pu no i na "Haawina Ulia Kuikawa" kekahi, a ua kue pu hoi i ka hooili ana aku ia mea maluna o keia mau haawina elua, no ka mea, he hooili ana keia i ka aie o kekahi mau hoolilo i hana ia, a i pili hoi malalo o kekahi haawina i hookaawale ia, a i pau o na dala i ka hoolilo ia. Ma ka'u koho wale aku, aole paha keia he mea hou imua o kou hanohano, aka nae, me he mea la, ua hala ae paha i ka ike ana a kou maka ia mea; a no'u pono iho, e olelo aku au he mau hoike ano hou keia i ike ole ia e a'u mamua, a e hiki ai no ke hoomaopopo pono ia na kumu, ina au e hai aku ana, aole i loaa iki ia'u ka pomaikai e hiki ai ke ike i ke kope o ua olelo hooholo la, ma ke ano ua pai ia a ma kekahi ano e ae paha; a o ka mea hoi a'u e minamina nui loa nei i keia wa, ina la i loaa mua ua olelo hooholo nei, ina ua lilo i mea nana e ke'ake'a na palapala hooiaio i apono ia e a'u iloko aku nei o keia mau manawa e pili ana i na hoolilo o ke "Alanui o Kalihi," a i hooili ia aku hoi maluna o ka haawina o na "Ulia Kuikawa," o na "Alanui a me na Alahaka." He hana hoi ma ko'u manao ana, ke nana iho i

ua olelo hooholo la i ili mai o ke ahewa, ina aole maluna o ke Keena Kalaiaina, alaila maluna o ko'u keena, a he mea pono hoi ia kua a elua ma keia hope aku, e hoao e keakea i ke ala hou ana mai o kekahi hana e like me ia.

Me ka hanohano nui i ili mai ia'u.

Owau iho no ka kou hanohano

Kauwa haahaa,

GEO. J. ROSS,

Luna Hooia Nui.

Feberuari 9, 1889.

I KA MEA HANOHANO L. A. THURSTON,

Kuhina Kalaiaina.

ALOHA OE:—Ua ike au i kekahi itamu he \$210 i hookaaia aku ia T. A. Loyd, a i hooili ia maluna o na haawina Ulia Kuikawa o na Alanui me na Alahaka, a i manao ia e a'u he kupono ke hooili ia i na Alanui a Alahaka Oahu, kaawale ae mai ko Honolulu, oiai he koena kona i hoolilo ole ia.

Aka nae ina no ua pau i ka hooliloia, alaila, ina e nana ia ka manao o ka olelo hooholo i hoikeia ma ka'u leta mua, aole ana e hiki ke ohia na dala mai ka Haawina Alanui a pau, a i ole mai ka Haawina Ulia Kuikawa paha e kokua aku ia hana, aia wale no ma na wa o kekahi poino kupaianaha a hana nui paha i ike ole ia mamua.

Owau iho e noho nei,

Ka kou hanohano Kauwa hoolohe,

GEO. J. ROSS,

Luna Hooia Nui.

Keena o ka Oihana Kalaiaina,

Honolulu, ko Hawaii Paeaina,

Feberuari 22, 1889.

GEO. J. ROSS, Esq.,

Luna Hooia Nui.

ALOHA OE:—Ua loa ia'u ka hanohano e hoike aku ai i ka loa ana mai o kau palapala o ka la 9. Ua kaawale au mai ke kulanakauhale aku i ka wa i loa mai ai kau palapala, a aole i alakai ia 'ku ko'u hoomanao ia mea a hiki wale no i

keia mau la aku nei, ina la ua pane mua ia aku ia e a'u mamua.

Ua ake nui au ma keia hoakaka au e hiki ai ke hoi ke aku, e ike maopopo mai ana oe, ina aole au e ae ia ana e unuhi mailoko mai o na dala Ulia Kuikawa, no kekahi mau hana lehulehu, elike la me ka'u e hoi ke aku ai malalo, e lilo ana ia i mea hookuia i keia Keena a e hoopilikia pu ai hoi i kekahi mau hana ano nui lehulehu e hana ia nei i keia wa, a e noonoo ia nei hoi.

Ka mua, he makemake au e hoi ke aku i na kumu nui i hooholo ia ai, a me na ano hana o keia puu dala Ulia Kuikawa i hookomo ia iloko o ka Bila Haawina, a i hiki pu ai hoi ke hooholoia ma keia mau huahelu e ku nei i keia wa.

A ua hiki no paha ia oe ke hoomanao, ma na mahina hope eono o 1887, mahope koke mai o ka loli ana ae o ka Aha Kuhina, ua lilo iho la ka hapanui o ka manawa ma ka hoomakaukau ana i na hana koho Kuikawa, a me ke Kau Ahaolelo Kuikawa pu kekahi, nana hoi i hoolilo nui i ko'u manawa e paa ma Honolulu; nolaila o keia manawa mawaena o ke kau Kuikawa, a me ke kau mau e noho ai o ka Ahaolelo, ua ane kokoke loa ka manawa, a o na hana hoi e pili ana no ka hoomakaukau ana i na hana o ke kau mau i hui pu ia me na hana mau o ke Keena, na mea nana i keakea ko'u hele kino ana e makaikai i na apana mawaho ae o Honolulu.

O ka Luna Nui o na Hana Hou he kanaka no ia akahi a noho i ka oihana, a no ka paa mau hoi o kona manawa i na mea e pili ana i kana hana, ua haiki wale no kona wahi manawa e hiki ai ke hana me ke akahelu i na mea i manao ia no ka oihana hana alanui a puni na mokupuni. O na Papa Alanui, ua hoonoho wale ia no lakou iloko o Feb. 18, 1888, a no ia mea, ua uuku wale no kahi ike pololei i loa ia lakou o na huina dala kupono i makemakeia no kela a me keia apana pakahi.

Nolaila, o na kahua kupono wale no e loa ai na haawina maopopo o kela me keia apana, ua hookahua ia iho la ia maluna o na olelo i hoakaka ia mai e na Papa Alanui, a e na hoa pu hoi kekahi o ka Ahaolelo mai kela a me keia apana mai; a me na ike laula pu hoi i loa i ka Luna Nui o na Hana Hou a me a'u pu.

Mailoko ae o na mea a'u i olelo aku la maluna, e hiki ana ia oe ke ike, ina no e hoao ana ma na hana i oi ae o ka mai-kai, ua loa he kahua e lawa pono ole ai na mea i makemake ia e hiki ai ke noonoo iho i na mea kupono e lawa'i no na hana o na Makahiki Elua o ia mua mai.

A i rea hoi e nele ole ai na apana, nolaila, ua haomakau-kau ia iho la kekahi haawina holookoa, a ulia kuikawa pu kekahi, i mea e hiki ai ke lawelawe ia na hana i makemake maoli ia iloko o kela a me keia apana, a i lawa ole hoi i na haawina e ae, ke hooholo aku ia hana; a o kahi hoi o ka hana e lawelawe ia ai a me na kumu o ia lawelawe ana e waihoia aku ia me ke Kuhina Kalaiaina.

O ka huina i manao ia iloko o ka Bila Haawina o kinohi he \$25,000. He mau itamu hou ae nae kekahi i pakui ia mai a i waiho ia mai hoi e na lala pakahi o ka Ahaolelo, nona hoi na haawina kaokoa i noi ia mai.

E like me nei, he haawina no \$5,000 ka i nonoi ia mai e ke 'Lii Richardson i uwapo ma Honokohau, Maui. I \$5,000 i nonoi ia mai e ka hoa hanohano o Kona Akau no na alanui o ia apana. Ua noi mai hoi ka hoa hanohano mai Koolau-poko i haawina kaokoa no kekahi uwapo ma Kaneohe, a pela aku.

Ua waiho aku au i kue ma keia mea, no ka mea, aohe mau huina akaka i manao ia, alaila, o ka haawina kaokoa i noi ia mai he wahi mea ano hihii loa, no ka mea, e oi loa aku ana paha a e emi mai ana paha; a o ka huina e oi wale aku ana iloko o ka Bila Haawina e lilo ana ia i mea make, no ka mea, aole auanei e hiki ke hana ia no kekahi hana e ae. A ina hoi e uuku loa ana, alaila, o ka huina i haawi ia e lilo wale ana no ia i mea hoomaunauna ia e like la me keia: Malia paha o kukulu ia kekahi uwapo a pau e na dala mamua ae o ka paa pono ana o na wahi e hiki ai ke hele aku, a ma ia mea e lilo ia i mea waiwai ole, a hiki i ka wa e noho mai ai ka Ahaolelo hou nana o hoolawa mai na dala e hiki ai ke hoopaa loa aku. Nolaila, ua noi aku au i pani ma kahi o keia haawina kaokoa i noi ia, e hoomahuahua ia aku ka haawina o na Ulia Kuikawa, me ko'u hoike pu aku e makaikai akahale ia ana na hune o na apana a pau, a e haawi akahale ia ana hoi na dala o keia haawina Ulia Kuikawa a e loa ole mai ai hoi na hana hoopoho wale e like me

ia i hoike ia maluna. Ua hooholo ia iho la keia manao a'u i waiho aku ai, a hookiekie ia ae la ka haawina Ulia Kuikawa a hiki i ka \$4,000.

Nolaila, i kulike ai me na manao o keia puu dala i hookomoia ai iloko o ka Bila Haawina, a me na hoakaka e pili ana i ka itamu i waihoia mai i ka Ahaolelo a me na olelo hoakaka pu hoi e hoohana ia 'ku ai ua dala 'la; ua loa iho la ia'u ka manaoio maikai e hoohana aku ai i kekahi o keia mau dala i hookaawale ia iloko o ia haawina Ulia Kuikawa.

Mawaho ae o na hana i kauoha ia a e hana ia mai ana i keia wa, a i manao ia paha e hana koke aku, oia iho keia:

1. Ka uwapo ma Koolauloa.
2. Ka uwapo ma Kaneohe.
3. Hoololi ana i ke alanui ma kekahi kibi ma Ewa o kekahi wahi hou ae, i mea e pu'a mai ai mailoko mai o ke awawa e loa ai ke kamoe maikai mai ka pii ku ana iluna o ka puu.
4. I uwapo ma Honokohau.
5. Ka hoomoe ana i na laina no na alanui hou ma kahi o na alanui kahiko a ino o ka waiho ana, a i manao ia hoi he hoopoho dala wale no ka hana hou ana ia lakou, ma Kohala, Kona Akau me Kona Hema, Hilo a me Hilo Akau, Makawao a me na wahi e ae paha o na ano like me ia, me ka loa pu mai hoi o kekahi ae kokua e hana ai ua man hoololi nei i manao ia, ke pau ua mau dala nei i hooholoia ai a lawa ole paha.

O ka hoololi ana ae i na wahi e hoomoe aku ai i ua mau alanui nei i loa ai ke kamoe maikai ana, he hana kiekie keia i manao ia, no ka mea, o ka hoolilo ana o na dala ma keia mau alanui o nei wa, he hoomaunauna wale ana no ia i maopopo, oia, o ke kuaua mua e loa ana, ka mea nana e hoawawa i na wahi i pau i ka hana ia.

E hoike wale aku ana no au i keia mau mea i hai ia ae la mamua, ma ke ano hoohalike wale no, i mea e hiki ai ke ikeia, ke hoolilo ia nei ua mau dala nei me ka manao maikai, no ka pomaikai like o ka lehulehu, a aole hoi no kekahi apana hookahi wale no.

Ma na mea e pili ana i ke ano, e lilo ai ka haawina Ulia Kuikawa i mea hoopolelei loa ia no na hana kupaianaha a mau pilikia paha i ike mua ole ia, he mea akaka ma keia

mau kumu i hoikeia ae la, aole oia maoli kona mea i manao ia ai, a ma ka wehewehe ana no hoi o ia huaolelo, aole no i hoohaiki ia mai ke ano a pili wale no i na hana i ike ole ia mamua.

O ke ki ana i keia mau dala a paa, i maopopo hoi pela e hana ia 'ku ai ina e hooko pono i ana ka manao e like me na olelo, he mau hana i ike ole ia mamua, e lilo ana ia i mea e hooookahuli ia ai na manao a pau i hoooholo ia e keia Keena, no ka hana hou ana i kekahi mau mea, a e hookuia pu ai hoi i ka manao o ka Ahaolelo, i hoooholo ai i ka Bila Haawina, a e lilo pu ai hoi i mea nana e hoona-waliwali loa ka hana alanui ma na apana he lehulehu wale o ke Aupuni.

Ke ae nei au e lawe i ke koikoi holookoa o keia mau hana hoolilo dala, a'u e hoomana aku ai malalo o keia puu dala i hookaawale ia, a e hoao pu no hoi au e hoolilo i keia mea, i itamu kaokoa e hoakaka aku ai iloko o ka'u hoike i ka Ahaolelo.

Me ka hilinai e lilo aku ana keia hoakaka i hoike ia ae la maluna i mea e hoolawa aku ai i kou mau makemake e noi mai nei.

Owau iho no me ka hanohano

Kau kauwa hoolohe,

L. A. THURSTON,

Kuhina Kalaniana.

Aperila 11, 1889.

I KA MEA HANO HANO JNO. AUSTIN,

Kuhina o ko na Aina E.

ALOHA OE:—Ke hoike aku nei au me ka mahalo, e hoole aku ana au i ka hoapono ana i ka palapala hooiaio i hoouna ia mai ma ka inoa o Z. S. Spaulding, a i hooiilia maluna o na lilo o na Agena i na Aina E, malalo no hoi o na kumu e like me ka'u i hoike aku ai i kou hanohano ma ka'u leta o ka la 2 o Feberuari, a i like no hoi me na palapala hooiaio o na helehelena o keia ano.

Ua loa ka hanohano ia'u e noho iho,

Ka kou hanohano kauwa hoolohe,

GEO. J. ROSS,

Luna Hooia Nui.

Aperila 29, 1889.

I KA MEA HANOHAHO L. A. THURSTON,

Kuhina Kalaiaina.

ALOHA OE:—Ke makemake nei au me ka mahalo, e alakai mai i na noonoo ana a kou hanohano i keia kumu,—o ka hooili ana i na hoolilo a pau e pili ana i na uwapo a pela 'ku o Honolulu, maluna o ka haawina Ulia Kuikawa, oiai ua pau ka haawina holookoa i ka hoolilo ia, ma ko'u manao, aole i kulike me ka olelo hooholo a ka Aha Kiekie ma keia kumu. A o na dala wale no o ia haawina e hiki ai ke hoolilo ia, e hana ia ia ma na kapili hou ana a hana hou ana paha i uwapo ma ia wahi a pela aku, i loa mai o na poino mamuli o kekahi ulia a mea paha i ike ole ia mamua, ina nae e komo ana ia mau hana a pau loa malalo mai o ia poo, alaila, aole anei i kupono i ka Luna Nui o na Hana Hou ke hooiaio mai pela malalo o ka papa uku dala a palapala e ae paha i hooiaio ia, i mea e hookaawale ia aku ai na ano kanalua a pau.

Owau iho no me ka hanohano nui,

Ka kou hanohano kauwa hoolohe,

GEO. J. ROSS,

Luna Hooia Nui.

Mei 2, 1889.

I KA MEA HANOHAHO L. A. THURSTON,

Kuhina Kalaiaina.

ALOHA OE:—Ma ke ano e hoomaopopo hou aku, a i loa hoi ia'u ka hanohano e kamaailio aku me kou hanohano iloko koke iho nei no o keia mau la, e pili ana i ka Oihana Hope Luna Nui o na Hana Hou, e hoakaka aku ana au me ka mahalo, mahope iho o ko'u noonoo akahale ana, ua maopopo pono ia'u ma keia wa aole i hoopiiha ia kela oihana e kekahi mea, a o na hana hoi i manao ia a ia kanaka e hooko aku ai, aole no i hana ia e like me ka mea i makemake ia, a aole no hoi i uku ia ka uku oihana e like me ka Bila Haawina. Ua akaka loa ma ka wa a ka Ahaolelo i hooholo ai i ka uku oihana \$200 no ka malama no kekahi Hope, alaila, ua manao iho la lakou e loa kekahi kanaka makaukau ma ia wahi, e lilo aku ai i Hope maopopo no ka Luna

Nui pono i ma ka oihana, a i lawa kupono hoi kona ike e like la me ka makaukau o kona mua, e loa ole ai hoi ka poino i na hana a ka lehulehu. Nolaila, oiai he haawina kaokoa keia i hookaawale ia no kekahi Hope makaukau, alaila, ina aole he kanaka o ia ano i hookohu ia, aole uku oihana i kupono ai ke unuhi ia mahope iho o ka pau ana o ka Mr. Lawrence wa i nobo hana ai; a ina ua hookohu ia kekahi mea ma ia kulana, alaila, ua kuleana oia e ohi i ka uku piha, a o ka hele ana ae mawaho o keia a me ka mana pu hoi e hoohana aku ai i kekahi poe okoa ae i oi aku mamua o hookahi kanaka, ina no he mea ia e haahaa mai ai o ka uku, ua pili wale no ia mana me ka Ahaolelo.

Nolaila, ke kua maopopo aku nei au me ka mahalo i ka unuhi hou ia ana o kekahi dala, no keia ano. aia wale no a no ka hana i lawelawe ia e kekahi kanaka makaukau ma ke ano Hope, a i like hoi me ka makemake o ka haawina, penei: "Uku o ka Hope Luna Hooponopono o na Hana Hou."

Owau iho no me ka hanohano,
Ka kou hanobano kauwa hoolohe,

GEO. J. ROSS,
Luna Hooia Nui.

O ke kope o keia, ua hoouna ia i ke Kuhina Waiwai.

Mei 3, 1889.

I KA MEA HANOHANO L. A. THURSTON,
Kuhina Kalaiaina.

ALOHA OE:—Ke noi aku nei au me ka mahalo e waiho aku imua o kou hanohano, i ka'u mau kumu kua a pau no ka hoolilo hou ia'ku o kekahi dala ma ka hana ana i mau alanui, a hoomaemae hou ana paha i na alanui, a e hooili aku ia uku malalo o ke poo, "Poino o na Alanui;" a'u hoi e ike nei, aole i kupono ke hooili aku ia mau lilo maluna o ia haawina. Ma ko'u manao, ua hookaawale wale ia no ia mau dala, no ka hooponopono aku i na kuleana koi poho a pau loa e kua ana i ke Aupuni, no na aina a pela aku i laweia e lakou no na hana hou o ke Aupuni, aole hoi no ka hana ana i na alanui, oiai, ua hookaokoa ia kona haawina. Ina o keia mau lilo no ka hana ana a hoomaemae ana paha i na alanui poino e hooili ia nei maluna o na "Poino o na

Alanui," he kupono ia mea ke hana ia, heaha hoi ka mea o na hana alanui mau a pau ma Honolulu i hoohalike ole ia ai e like me keia, oiai, he puu dala nui maoli ko ia haawina e hiki ai ke hooili ia no keia hana, a ma ko'u nana ana, ua like a like ke kupono o ka hooili ana o ia mau hana a pau malalo o ke poo, "Poino o na Alanui."

Owau iho no me ka hanohano.

Ka kou hanohano Kauwa hoolohe,

GEO. J. ROSS,

Luna Hooia Nui.

Keena Kalaiaina,

Honolulu, ko Hawaïi Paeaina,

Mei 7, 1889.

GEO. J. ROSS, ESQ.,

Luna Hooia Nui.

ALOHA OE:—Ua loa ia'u ka hanohano e hoike aku i ka loa ana mai o kau palapala o Aperila 29, e pili ana i ka Haawina Ulia Kuikawa o na uwapo.

E pane aku au penei: Ua kauoha aku au i ka Luna Nui o na Hana Hou, e hana mai i olelo hoike i kakauia, e hoakaka ana i na poino i loa ai ke kumu o kona lawelawe ana i na hana e hana ia nei i keia wa ma na uwapo o Honolulu. A ua hana iho nei oia pela, a eia mai ua kope 'la ke hoouna ia aku nei me keia palapala. Ua kauoha pu aku no hoi au iaia, e hoopili pu ae i mau palapala hooiaio kupono i na kikoo dala a pau ana e kikoo aku ai maluna o keia haawina.

Me he mea 'la ma ko'u ike, ua pono malalo o keia mau kumu i hoikeia mai, ka unuhi ana i na dala mailoko mai o ka Haawina Ulia Kuikawa, no ka mea, o ka helelei hikiwawe o keia mau uwapo i ike mua ole ia, a i hiki ole hoi ke wanaa mua ia mai, a he ulia maopopo ia e hiki ai ke ike mua ole ia, e loa ai hoi ka poino i keia mau waiwai e lilo ai ua mau uwapo nei ke hana hou ole ia, i mea e poino ai na waiwai e lawe ia'ku ana iluna o ua mau uwapo 'la, a e poino pu ai hoi ke ola.

Me ka hanohano nui,

Owau iho no kau kauwa hoolohe,

L. A. THURSTON,

Kuhina Kalaiaina.

Keena Kalaiaina,
 Honolulu, ko Hawaii Pae Aina,
 Mei 7, 1889.

GEO. J. ROSS,
Luna Hooia Nui.

ALOHA OE:—Ua loa ia'u ka hanohano o ka ae ana aku i ka loa ana mai o kau palapala o ka la 3 o keia malama, e pili ana i na hoolilo o ka haawina i kapa ia "Na Poino o na Alanui." Ma ka'u pane e olelo aku au, aohe mau hana alanui a hoomaemae alanui i manao ia e uku ia aku mailoko ae o keia haawina. Ua like loa ko kua manao ma na mea e pili ana i keia mau dala, oia hoi, ua manao ia no ka hooponopono wale ana no i na koi poho e kue ana i ke Aupuni no na aina a pela aku, i lawe ia no na Hana Hou.

Aole oe i hoakaka iki mai ma kau palapala i ke ano maoli o ka hana a'e olelo mai nei, aka, o ka'u koho wale aku, me he mea la o kau hana e manao nei, oia paha ka hoonee ia ana o na pa a me ka hoopihia ana i na loi kalo ma kahi o ke alanui i hoakea ia ae nei ma Palama.

O ka oiaio maoli o keia hana, penei: O kekahi hapa ia o ka aelike e hooponopono ia ai na "poho" me ka poe nona ka aina i lawe ia, na ke Aupuni e hoonee i na pa a e hoopihia i na loi kalo mawahe ae o ka laina o ke alanui hou. Aole no i manao ia i keia wa e hookamoe ia na wahi i hoakea ia o ke alanui, a hiki i ka wa e iliwai like ai ke alanui, no ka mea, o ka lawe ia ana mai o keia aina hou, ua ike mua ia ke kupono no ia mea i wahi e hoomoe ia ai na alahao Tramways, oia i ua haiki loa ke alanui mua, e ae aku ai ia mau hana me ka hoopoino ole i ka lehulehu.

O ka hoonee ana i na pa, he mea mau ia ma na wa a pau e koho ai, he poho ia, a o ka hoopihia ana hoi i na loi aole i manao ia i pono alanui ia, aka, i mea wale no e kokua aku ai, a e hiki ai hoi i ka poe nona na aina e pili mai ana ke hele aku i ko lakou mau aina, a e hiki ole ai hoi ia lakou ke hana pela, ina he 10 kapuai loi kalo mawaena o ia mau aina a me ke alanui; a ua manao au ma ko lakou hoouku ana mai i mea e hooponopono ia ai na poho i loohia i ka poe nona ia mau waiwai, ua ku maoli no i ka pololei.

Ke manao nei au o keia olelo hoakaka a'u, e lilo aku ana

ia i mea e maopopo ai ia oe, kahi o ka like ole mawaena o keia hana a me na "hana alanui mau" o Honolulu.

Ua loaia ia'u ka hanohano e noho iho,
I kauwa hoolohe nau,

L. A. THURSTON,
Kuhina Kalaiaia.

Mei 7, 1889.

I KA MEA HANOHAHO L. A. THURSTON,
Kuhina Kalaiaia.

ALOHA OE:—Ua loaia ia'u ka hanohano e ae aku i ka loaia ana mai o ka kou hanohano palapala o keia la, e pili ana i na lilo malalo o na Poino Alanui. Ma ka'u pane e olelo aku au me ka mahalo, ua lawa kupono ia'u kau mau olelo hoakaka a pau, a oiai aohe mau hana alanui maoli a hoomaemae alanui i hana ia, a hana e ae paha mawaho e hooili ia maluna o na Poino Alanui, koe wale no na mea e ala mai ana mamuli o na hooponopono ana i kekahi aelike no na aina i lawe ia, alaila, aole a'u mau wahi kumu kua e waiho aku ai.

Owau iho no me ka hanohano,
Kau kauwa hoolohe,

GEO. J. ROSS,
Luna Hooia Nui.

Keena Kalaiaia,
Honolulu, ko Hawaii Paeaina,
Mei 8, 1889.

I KA MEA HANOHAHO L. A. THURSTON,
Kuhina Kalaiaia.

ALOHA OE:—Ma ka pane ana aku i kau palapala o ka la 3 o keia malama, e hoike aku au e like penei:

Ma ka manawa o'u i hoonohonoho ai i na mea i manao ia, no ka hoomaemae hou ana ae i na uwapo o Honolulu i keia wa, oia hoi ka uwapo i kapaia, Pacific Mail Dock, uwapo Likelike, a me ka uwapo Oceanic, me he mea 'la, ma ka nana ana aku i ko laua mau helehelena, aohe mau mea e ae e makemake ia e hoopaa aku ai i ua mau uwapo nei a pau ae

keia kau, mawaho ae o ka hookomo wale aku no i hookahi papahale hou me kekahi kaola hou.

Aka nae, iloko o ka Pacific Mail Wharf, o ka popo i ikeia iloko o na pou a me na kua, ua holokiki loa aku imua, a ua lilo na ka'e ma ka aoao mawaho i mea kupono ole no ke ola, a o na hana e lawelawe ia nei i keia manawa, a i hooili ia aku nei hoi maluna o ka puu dala o na Ulia Kuikawa, he hana wale ana no ia i na mea i hiki ke hoonele ole ia no ka hoopaa ana i ua uwapo la a kupono no ka hoohana aku.

Ua hiki ia'u ke ike i keia manawa, o na uwapo Likelike a me Oceanič, aole lau e paa ana a pau keia kau, me ka nui hou ole aku o na hoolilo no ka hana hou ana a paa, a i kupono hoi ke hooiilia maluna o na lilo o na dala Ulia Kuikawa.

Kau me ka mahalo,

(Kakauinoaia),

W. E. ROWELL,

Luna Nui o na Hana Hou.

Mei 13, 1889.

I KA MEA HANO HANO L. A. THURSTON,

Kuhina Kalaiaina.

ALOHA OE:—Ke waiho aku nei au me ka mahalo na kou hanohano e noonoo mai i keia mau olelo i kakau ia malalo a me ka'u kue pu hoi. Ua maopopo ia'u eia na papa "Alanui Lehulehu" ke ohi nei i na dala mailoko ae o ka "Auhau Alanui" i na wa a pau a lakou e makemake ai, aka, aole nae i ae ia kela kuleana e ohi ia a oi aku mamua o na haawina; a ma ka hoomaopopo pololei ana, oia hoi ka haawina "Ulia Kuikawa" o na "Alanui a me na Alahaka" (mahope iho nei o ka olelo hooholo hape o ka Aha Kiekie), a mamua ae o ka ohi ana mai mailoko o ia haawina, ke olelo nei au o na palapala a pau i hooiaio kupono ia e Mr. Rowell, aia a loa mua aku ka hoapono ia e a'u, alaila, hiki ke ohi ia ua mau dala la, a nolaila, ke kue aku nei au i ka hana ana aku ma na ano mawaho ae o laila.

Owau iho no me ka mahalo,

Ka kou hanohano,

Kauwa hoolohe,

GEO. J. ROSS,

Luna Hooia Nui.

[KOPE.]

Keena Kalaiaina,
Honolulu, ko Hawaii Paeaina,
June 7, 1889.

MESSRS. W. G. IRWIN & Co.,
Honolulu.

E NA KEONIMANA:—Ke hai ia aku nei oukou, o ka oukou palapala koho no na lilo apo hoopaa paipu wai mawaho ae o na ki hoomaha (valves) a me ke kepau, o ka la 7 o Mei i hala aku la, ke ae ia aku nei malalo nae o keia mau hoakaka i hoike ia malalo, oia hoi, ua hoomahuahua ia ae na kapuai paipu o kela a me keia ano. Aohe i lawa ka manawa e hoakaka pakahi ai me ka pcololei i na apo paipu e hiki ai ke hoonuna ia e oukou ma keia eke leta, a i mea nae e hiki ai ia oukou ke hoike aku i ka poe a oukou e palapala aku ai i hiki ai ia lakou ke hoomakaukau mai no ka hoopihana ana i keia kauoha, nolaila ke haawi aku nei au ia oukou i ka palapala hoakaka o ka hapanui o na paipu e like penei:

LAP WELDED STEEL PIPES CONVERSE PATENT LOCK JOINT.

Paipu 15 iniha.....	156 kapuai
“ 12 “	3,500 “
“ 8 “	5,554 “
“ 6 “	19,100 “
“ 4 “	17,400 “
“ 3 “	16,970 “

Na apo hoopaa, e like no ia me na mea i hoakaka ia maloko o ka palapala hoakaka i hookahua ia ai o keia mau paipu i makemake ia me kekahi mau pakui hou mai nae.

Iloko ae o keia mau la e haawi aku ai au ia oukou i olelo hoakaka i hoomaopopo pakahi ia, me ka hoike pu aku ma ia manawa i ke kumukuai aelike maoli i hookahua maluna o ka oukou palapala koho.

Aka, iloko nae o keia wa, e hiki ana ka huina ma na mea i manao ia e ka Luna Nui o na Hana Hou i ke \$40,000.

I kulike ai hoi me ka aelike, e uku aku ana ke Aupuni ia oukou ma ke 50 pa'keneta maluna o na mea i makemake ia, a he 25 hoi pa'keneta e haawi hou ia aku i ka wa e loa mai ai na bila hoakaka waiwai, a i 25 pa'keneta mahope iho o ka loa ana mai o ka ae ia ana e lawe o ua mau waiwai la a

pau mahope iho o ka hoolēle ia ana mai iluna o ka uwapo ma Honolulu, me ka ae ia mai hoi o ke Aupuni e hoolawe ae i 7 pa'keneta no ka makahiki, no na huina dala a pau i hookaa ia aku mamua ae o ka hooko ia ana o keia kauoha.

Nolaila, ke haawi ia aku nei ia oukou i keia wa he \$20,000 mamuli o keia waiwai i kauoha ia.

O ka hiki koke ana mai o na paipu ka mea i oi ae o ka makemake ia, mamuli o ka nele i keia wa o na mea e lawa pono ai ka hana ana aku i na pono o ka Oihana Wai e lawelawe ia nei i keia wa.

Owau iho no me ka mahalo,
Ka kou hanohano,
Kauwa hoolohe,

[Kakauinoiaia].

L. A. THURSTON,
Kuhina Kalaiaina.

Keena Kalaiaina,
Honolulu, ko Hawaii Paeaina,
Iulai 2, 1889.

MR. GEO. J. ROSS,
Luna Hooia.

ALOHA OE:—Ua loa ia'u ka hanohano e ae aku i ka loa ana mai o kekahi mau palapala he lehulehu wale, o ka palapala hope nae o ka la no i like me keia, e pili ana i ke kuhana o ka uku o ka Hope Luna Nui o na Hana Hou, aole au i pane aku, no ka mea, ua manao au ua lawa la na mea a pau e hoakaka ai no ia mea, ma ka'u palapala o ka la 7 o Mei i hala aku la.

A e like ai me na mea i hoikeia malaila, aole keia haawina i kaa aku ma ke ano kanawai malalo o kou mana, a me ke kanalua ole iloko o ko'u manao i ka pono o keia hoomau ana aku i ka hana e like me ia, nolaila, aole au i manao ua ku-pono ke noi ana aku i olelo hoakaka kanawai mai na Mana Hookolokolo mai e pili ana ia mea.

Owau iho no me ka hoopono,
Kau kauwa hoolohe,

L. A. THURSTON,
Kuhina Kalaiaina.

Iulai 3, 1889.

I KA MEA HANO HANO L. A. THURSTON,

Kuhina Kalaiaina.

ALOHA OE:—Ua loa ia'u ka hanohano e ae aku i ka loa ana mai o kau leta o ka la 2 o keia mahina, e pane mai ana no ka'u mau kue i hoike ia ma ia palapala, e pili ana i ka uku o ka Hope Luna Nui o na Hana Hou. Oiai ua nui loa na palapala kue i keia kumuhana i pane ole ia mai e oe, aole no ia i lilo i mea hoouluhua ia'u, no ka mea, aole no au i manao e loa mai ana kekahi pane mai a oe mai, aka, ma keia au e olelo mai ai ua holo i kou manao, ua lawa na hoakaka a pau iloko o kau palapala o ka la 7 o Mei, ua lilo ia i mea hookahaha ia'u, oiai, aole mau mea iloko o ia palapala nana i hoololi iki ae i ko'u manao e pili ana ma keia mea. A aole no hoi au i manao iki ma kau mea i hoakaka mai nei ma kau palapala hope, oia hoi, aole ka o'u mana ma keia mea, a ua pololei ka kau kahua e hahai nei, me kou hoole pu hoi i ke noi ana aku i ka rana hiki wale no ke hooholo mai i olelo hooholo kauawai e pili ana ia hana, he hana ia e hoomaopopo mai ai me ke kanalua ole, no ka pono o ua kahua nei au e hahai 'la, a oiai hoi ua lilo pu ia hana i mea e kaohi ai i kekahi olelo hooholo i makemake ia, a hiki i ka wa e noho hou mai ai ka Ahaolelo hou, he wa loihi hoi mai keia wa aku a hiki ia manawa, a'u hoi e manao nei he hana kupono ole ia ia'u, oiai, o kau no paha auanei ka unuhi mai i na dala, a o ka'u wahi hana wale no ke kue aku.

Owau iho no me ka hanohano,

Kau kauwa hoolohe,

GEO. J. ROSS,

Luna Hooia Nui.

Honolulu, Aug. 30, 1889.

I KA MEA HANO HANO L. A. THURSTON,

Kuhina Kalaiaina.

ALOHA OE:—Ua loa ia'u ka hanohano e alakai mai i na hoomaopopo ana a kou hanohano i kekahi itamu \$224, i unuhi ia mailoko mai o ka Waihona inehinei, a i hooili ia

aku maluna o ka haawina "Uku o ka Hope Luna Nui o na Hana Hou," a no ka hookaa ana ia mau dala, ke hoike aku nei au i ko'u kue. Ka mua, no ka mea, aohe Hope i hoo-kohu ia; ka lua o na kumu, no ka mea, ma ko'u manao, aohe kuleana e hiki ai ke hooili ia ua huina 'la i olelo ia maluna, a o ka uku hana hoi o Mr. Bruner, no ke alanui mai Lahaina a Wailuku, a i hookaawale kaokoa ia hoi o kona haawina uku o keia mea he Hope.

Ua loa ia'u ka hanohano e no ho'ai,
Ka kou hanohano kauwa hoolohe,

GEO. J. ROSS,
Luna Hooia Nui o ke Aupuni.

He kope o keia palapala kekahi i hoouna ia aku i ke Kuhina Waiwai.

Honolulu, Augate 30, 1889.

I KA MEA HANO HANO S. M. DAMON,
Kuhina Waiwai, &c.

ALOHA OE:—Ua loa ia'u ka hanohano e hoouna aku i kou hanohano, i ke kope o ka'u palapala o keia la i hoouna ai i ke Kuhina Kalaiaina, a ke noi aku nei hoi au ia oe me ka mahalo, e hoomaopopo pono mai ia mea, a ke noi ikaika pu aku nei hoi au i kou huipu ana mai me a'u, e keakea i na kikoo dala hou a pau mai ka ohia ana ae mailoko mai o ka Waihona, a e like hoi me ia i hoakaka ia ma keia palapala a'u e hoouna aku nei, a e pii aku nei hoi i kela a me keia manawa, a oi loa ae ka pono ole a kue Kanawai hoi ma ko'u hoomaopopo ana.

Owau me ka hanohano e noho nei,
Ka kou hanohano kauwa haahaa,

GEO. J. ROSS,
Luna Hooia Nui.

Honolulu, Okatoba 11, 1889.

Mai ka Luna Hooia Nui aku a i ke Kuhina Kalaiaina.

ALOHA OE:—Ua loaia ia'u ka hanohano e alakai mai i na boomaopopo pololei ana a kou hanohano i keia hoike i hoakaka ia malalo, a me ka'u mau kue pu hoi. Mamuli o ka loaia ana mai ia'u o ka lono ke hookaa ia nei kekahi mau lilo o na Alanui a me na Alahaka, ma na kikoo dala i hoouna ia i ka Hui o Bishop & Co., a i ohia mai hoi e ka Luna Alanui o Honolulu, maluna o kekahi mau dala i waihoia aku ma ke koho ana e kou hanohano, a me he mea 'la hoi, he mau dala i hoolilo ia he loaia Aupuni, a i uku ia aku iloko o ke Keena Kalaiaina mai ka Hui Tramway aku, a mai na wahi e ae pu kekahi; nolaila; ke waiho aku nei au i ka'u mau kumu kue, ka mua, oia hoi ka waiho ia ana o na loaia o ke Aupuni ma na wahi okoa mawaho ae o ka Wai-hona; ka elua, ka hookaa ia ana o kekahi oia mau dala me ka loaia mua ole o kekahi palapala hooiaio i apono ia e a'u; ke kolu, ka mana e hiki ai ia H. F. Hebbard, ke ohi i kekahi dala o ke Aupuni, ina no ua waihoia ma kela a me keia wahi. O keia mau kumu kue ekolu, ke waihoia nei no na hana kue maopopo i ke Kanawai Hooia Buke Helu.

Owau me ka hanohano,

Ka kou hanohano Kauwa hoolohe,

GEO. J. ROSS,

Luna Hooia Nui.

O ke kope o kekahi palapala i hoouna ia aku i ka Mea Hanohano ke Kuhina Kalaiaina, ua hoouna pu ia aku la ia i ke Kuhina Waiwai me keia palapala malalo iho.

Honolulu, Okatoba 11, 1889.

Mai ka Luna Hooia Nui aku a i ke Kuhina Waiwai.

ALOHA OE:—Ua loaia ia'u ka hanohano e kulike ai me ka Pauku 5 o ke Kanawai Hooia, e alakai aku i na boomaopopo ana a kou hanohano i na mea i hoike ia iloko o ke kope

o kekahi palapala, a'u i hoouna aku ai i ke Kuhina Kalai-
aina.

Owau iho me ka hanohano,
Ka kou hanohano kauwa hoolohe,

GEO. J. ROSS,
Luna Hooia Nui.

Keena Kalaiaina,
Honolulu, ko Hawaii Pae Aina,
Okatoba 16, 1889.

IA GEO. J. ROSS,
Luna Hooia Nui.

ALOHA OE:—Ua loa ia'u ka hanohano e ae aku i ka loa
ana mai o kau palapala o ka la 11 o keia mahina, e pili ana
no na dala i uku ia no kekahi mau lilo o na Alanui me na
Alahaka ma Honolulu.

Ma ka'u hoomaopopo ana i na manao o keia kumuhana,
ua maopopo pono ia'u o ka makemake o ke Kanawai, oia no
ka hookaa ana i na huina dala i loa mai mailoko o ka Hui
Trammways no na pohaku, iloko o ka Waihona ma ke ano
he loa Aupuni, nolaila, o keia mau huina no i loa mai, e
uku ia aku ana no ma ia ano.

Ma na mea e pili ana i na bila aie i hookaa ia ai ke dala
me ka hoapono mua ole ia e oe, alaila, e olelo aku au ina iho
la pela ka hana ia ana, alaila, ua hana ia me ko'u ike ole a
me ko'u ae ole hoi, me ke kua i ka'u mau kauoha; alaila, o
ka hana wale ia ana no o ia mau mea, me he la malalo o na
manao kuhihewa a hana paha i hoomaopopo pono ole ia.
E nana aku ana au i ka hooponopono hou ia ae o keia mea.

Owau iho no me ka hoopono,
Kau kauwa hoolohe,

L. A. THURSTON,
Kuhina Kalaiaina.

Honolulu, Ianuari 21, 1890.

I KA MEA HANO HANO L. A. THURSTON,
Kuhina Kalaiaina.

ALOHA OE:—Ua loa mai ia'u ka hanohano e palapala aku
i kou hanohano i ka'u mau kumu kua e pili ana i na huina

lehulehu i unuhi ia mailoko mai o ka Waihona, a i hiki aku hoi o ka huina holookoa i ka \$217 mai Dekemaba 18, 1889, i hooili ia maluna o ka haawina "Uku Hope Luna Nui o na Hana Heu," a me na kikoo dala hou ana aku maluna o ia haawina ma keia mua aku, aia wale no a ua hookohu ia kekahi kanaka ma ia kulana, me ko'u hoike aku o kela mau kikoo dala ana a pau loa he kue Kanawai, a ua kokua pu ia mai hoi ko'u manao e ka Aha Kiekie ma ka lakou rula ana i loa mai i ka mea hanohano S. M. Damon, Kuhina Waiwai, mai ia lakou mai.

Ua loa ia'u ka hanohano e noho ai,
Ka kou hanohano kauwa hoolohe,

GEO. J. ROSS,
Luna Hooia Nui.

He kope o keia palapala kekahi i hoouna ia aku i ke Kuhina Waiwai.

Honolulu, Ianuari 23, 1890.

J. M. KIMBALL, M. D.

Peresidena o ka Papa Ola.

ALOHA OE:—Ua loa ia'u ka hanohano e noi aku ia oe e hoike mai e like me ia i olelo ia malalo e pili ana i ka opiuma i hopuia e na makai, mahope mai o ka mana ana aku o ke kanawai o 1888, nona hoi na hoakaka ana e haawi ia'ku ia mau opiuma a pau i ka Papa Ola.

O ka'u mea e makemake nei, e waiho mai oe i hoike i kakaui, no ka nui o na opiuma a pau i haawi ia'ku, ka huina i kuai ia (ina hoi i hana ia pela), a i ka wa hea hoi, a nawai? a ia wai la i kuai ia'ku ai, a heaha la na mea i hanaia no na dala i loa mai no ia kuai ana?

O ka olelo pane e loa koke mai ana i na wa a pau e hiki ana ia oe, e lilo ana ia i mea makemake nui ia.

Owau iho me ka hanohano,
Kau me ka mahalo,

GEO. J. ROSS,
Luna Hooia Nui.

Keena o ka Papa Ola,
Honolulu, ko Hawaii Paeaina,
Ianuari 28, 1890.

GEO. J. ROSS, Esq.,
Luna Hooia Nui.

ALOHA OE:—Ua loaā ia'u ka hanohano mamuli o ke kauoha ana a ka Peresidena o ka Papa Ola, e hoike aku i ka loaā ana mai o kau palapala o ka la 23. O kahi opiuma wale no i haawi ia mai i ka Papa Ola, a i loaā mai hoi he moowaiwai e like la me keia: 1—60 kini i hoolilo ia no ke Aupuni mai ka moku kiapa C. B. Bryant, a o na loaā oia opiuma i hoolilo ia ai, ua hoihoi ia'ku ia i ka Luna Dute Nui mamuli o ke kauoha a ka Loio Kuhina. 2—134 kini i hoihoi ia mai e ka Ilamuku i ke Kakauolelo o ka Papa, a i hoihoi hou ia aku hoi nana e malama, a mahope iho nei, ua haawi hou ia aku la ua opiuma nei i ka Buro o ka Oihana Dute. 3—149 kini i hoihoi ia mai i ke Kakauolelo i waiho ia'ku no hoi eia ma ka malu o ka Ilamuku. No loko ae o keia huina he 98 kini i kuai ia mamuli o ke kauoha a ka Papa Ola e ka Luna Kiai Awa Turrill, a o na loaā, ua hoihoi ia'ku i ke Keena Waihona e like me ia i hoakaka ia ae la.

Owau iho no me ka hanohano,

Kau kauwa hoolohe.

GEO. C. POTTER,
Kakauolelo.

Honolulu, Feberuari 9, 1889.

Mai ka Luna Hooia Nui a i ke Kuhina Kalaiaina.

ALOHA OE:—Ua loaā ia'u ka hanohano e ae aku i ka loaā ana mai o kau palapala o ka la 26, e pili ana i na palapala hooiaio i hooiia maluna o ka "Hale Makeke Hou" o Honolulu; a o na pohihihi a pau e pili ana ia mea, ua ala mai ia mamuli o na hana pohlalo i waihoia mai ai o ua mau palapala 'la imua o'u, e ka Lunahooponopono Nui o na Hana Hou, i mea na'u e apono aku ai me ka loaā ole nae o kekahi mau hoakaka i pili ia mea, e hiki ai la hoi ia'u ke ike i ke kulana maoli o ia mau hana, a e ike pu aku ai hoi i ka mea a'u e hoapono aku ai. A o keia mau olelo a'u e pili ana i na hana maalea a paewaewa, nona pono i ka'u mea i manao ai, ke manao pu nei no hoi au, ua pili pono iaia ka'u mea e olelo nei. Me ko'u hilina i nui maluna o na ano hoo-

pono o ka Luna Nui nana i hoolilo ke dala, no ka hoopono-pono ana no na wahi i hewa iloko o na palapala hooiaio, a o ka hapanui hoi o ia mau palapala, ua hiki ole maoli no ia'u ke ike i ka oiaio o ia mea; alaila, e hiki ana ia oe ke ike, ina aole lakou e hana ana me ka pololeia me ka hoopono, aole au e hiki ke ahewaia no ia mau mea, a he mea hoi e kau aku ai ke alina maluna o lakou no na hana a pau i lawelawe ia e lakou mahope aku. Iloko o keia hana imua o kakou, he mea i ike maopopo ia, o ka haawina no ka "Eli ana i ke Awa o Honolulu." ua pau i ka hoolilo ia a koe wale no he wahi koena uuku iloko iho nei o keia wa loihi loa, nolaila, ua pono paha e kala ia mai au, ina ma o ka ulia i loa mai ai ia'u na lono, eia no ua hana la ke lawelawe ia nei i keia wa, a pela hoi no kekahi mau mahina i hala ae nei. No ka hooili ia ana o keia mau lilo a pau maluna o ka Hale Makeke Hou, hooile ai au i ka apono ana i na mau lilo la, a hiki i ka wa e hooiaio ia mai ai ia'u ko'u hewa ma ia manao ana pela. Aka nae, mamua ae o ko'u hooile ana ia mea, ua hele aku la au i Ainahou, a mahope o ko'u ike ana ua lawa ke kahua nui e kupono ai no ke kukulu ana aku i kekahi mau hale makeke lehulehu wale, a i ikeia hoi e a'u, o na kahua la me na lepo hou wale no i hoopihia ia ai ia wahi, alaila, aole ia i lilo i mea kupanaha o ka loa ana ia'u o ka manao pahaohao no ka pono ole o ia mea.

Ua oi loa aku hoi ko'u mau ano kanalua i loa mai mahope iho o ko'u ninaninau ana i ka Luna Nui o na Hana Hou e pili ana no ua mau hana 'la, a hooiaio mai ai hoi oia ia'u ua pau kana eli ana i ke awa o Honolulu, a o kana mea wale no e hana ana i ka mea kope awa, i mea hoopihia wale no i ke kahua o ka Makeke Hou. O ke kanaka e hiki ana ke kope mai i mau eka opala, oia i, aole wahi opala e hiki ai ke ikeia, alaila, aole e nele ana ka holopono o kana hooihana ana i na kokua ana a ka mea kope awa, i mea e eli aku ai a e hoonoe i na kuaau, e hooihonu aku ai i ka *nuku aru*.

Me ka maopopo pono, mahope iho o na noonoo akahale ana, o ka hoomau ana aku i keia hana, aole ia he mea e hoopoino aku ai i ka lehulehu, aka, me ka minamina nae i ka hoo-hakalia ia o na hana, a me ka hoomaikai pu aku hoi i kou manao e pili ana i keia kumuhana, nolaila, ua makaukau au e hoopono aku i na hana a pau e like me ia i hoike ia mai ai ia'u.

Owau iho no me ka hanohano;

Ka kou hanohano kauwa hoolohe,

GEO. J. ROSS,

Luna Hooia Nui.

Honolulu, Feberuari 27, 1890.

1 KA MEA HANOHANO L. A. THURSTON,

Kuhina Kalaiaina.

ALOHA OE:—Ua loa ia' u ka hanohano e ae aku i ka loa ana mai o kau palapala o ka la 26 iho nei, e pili ana i keka-hi mau palapala i hooiaio ia, i hooili ia maluna o ka Haa-wina Malama i na Paahao, a i kue ia ku hoi e a'u. Aka, oiai no nae ua' hoakaka mai nei oe i na mea i hana mau ia, i maa mau hoi e pili ana ia haawina, aole i loa iki ia' u he kumu e hiki ai ke hoololi ae i ko' u mau manao paa ma ia mea. Malia paha va lehulehu io no na kumu alakai i kakau ia e hiki ai ke kokua i kau kahua e hoopaapaa mai nei, aka ke ninau nei nae au, ina paha i hoomaopopo pono ia keia kumuhana e ka Ahaolelo, e ae ana anei lakou e haawi i \$95,000, he huina hoi i manao ia no ka malama ana i na paahao, aka nae, he huina e hiki ai ke hoolilo ia no na haawina e ae a pau o na hana hou, malalo iho o ke Keena Kalaiaina. Ua hiki wale no i keia mau haawina ke hana ia ma ke ano *pauaka*, a e ohi ia hoi i na manawa a pau e makemake ia ai. Ina la aole i pau na haawina o ke alanui o ka Lua-pele, a ua hoohana ia na paahao ilaila ma ka uku dala no ia hana ana, a oia dala e hoihoi ia iloko o ka Waihona, a i ole, ina paha ua noho wale no lakou me ka hana ole, alaila, o ka Haawina e Malama ai i na Paahao, aia maluna o ia mea na lilo. Aka, ma na manawa e pau loa ai ka huina i hooholo ia e ka Ahaolelo no ua alanui la i ka hoolilo ia, alaila ke olelo nei au, ua pono i kela hana ke hooki ia, ina no ua pau a pau ole paha i ka hana ia, a a aole no hoi he maopopo iki ia' u o na kumu e pau ai ua alanui la i ka hana ia me ka uku ole, ina oia na mea i makemake ia, a e hooili ia hoi maluna o ka haawina no ka "Malama ana i na Paahao," a ua makaunau au e kali aku i na hoapono ana a hoahewa ana paha a ka Ahaolelo malalo o keia mau kumu, koe wale no aia a hiki i kou hanohano ke noonoo pono iho e noi aku i ka Aha Kiekie, i loa ai he rula no' u e alakai ia ai ma keia kumuhana ano nui.

Owau iho no me ka hanohano.

Ka kou hanohano Kauwa hoolohe,

GEO. J. ROSS,

Luna Hooia Nui.

Ka Papa Hoonohonoho Auhau o na Makahiki Elua, 1888-89.

AUHAU—OAHU, 1888.

Na Apana.	Waiwai o ka Waiwai Paa.	Auhau Waiwai Paa.	Waiwai o ka Waiwai Lewa.	Anhau Waiwai Lewa.	Kaa Lealea.	Kino.	Ilio.	Metala Ilio.	Akanni.	Kau.	Kula.	Pauhaka-haka.	Huina Nui.
Honolulu.....	\$ 6,858,350	\$ 68,583 50	\$ 4,724,508	\$ 47,245 08	\$ 3,208 50	\$ 5,352 40	\$ 986 49	\$ 97 30	\$ 9,489 60	\$ 726 20	\$ 10,430 00	\$ 1,837 99	\$ 147,957 06
Ewa me Waimae.....	499,616	4,096 15	654,601	6,546 01	155 00	1,044 00	210 00	21 00	1,882 00	108 00	1,978 00	16,040 17
Waialua.....	289,366	2,893 66	323,495	3,234 95	195 00	558 00	117 00	11 70	976 00	126 00	1,000 00	9,112 31
Koolauloa.....	239,961	2,399 61	176,784	1,767 84	110 00	381 00	73 00	7 30	596 00	48 00	698 00	6,080 75
Koolanpoko.....	432,253	4,322 53	411,406	4,114 06	105 00	1,371 00	165 00	16 50	2,384 00	184 00	2,396 00	15,058 09
Huina Nui.....	\$ 8,229,546	\$ 82,295 46	\$ 6,290,791	\$ 62,907 94	\$ 3,773 50	\$ 8,706 40	\$ 1,551 49	\$ 153 80	\$ 15,327 60	\$ 1,192 20	\$ 16,502 00	\$ 1,837 99	\$ 194,248 38

HAWAII, 1888.

Hilo.....	\$ 601,443	\$ 6,014 43	\$ 1,342,859	\$ 13,428 59	\$ 135 00	\$ 2,796 00	\$ 378 00	\$ 37 80	\$ 5,038 00	\$ 100 00	\$ 5,370 00	\$ 33,297 82
N. Hilo.....	159,776	1,598 20	394,249	3,944 48	5 00	959 50	85 00	8 50	1,710 40	50 00	1,843 80	10,204 88
Haakua.....	870,156	8,701 56	823,681	8,236 81	140 00	2,587 00	341 00	33 90	4,660 00	272 00	4,940 00	29,912 27
N. Kohala.....	841,073	8,410 73	932,205	9,322 05	340 00	1,801 00	303 00	30 30	3,150 00	318 00	3,372 00	27,047 08
S. Kohala.....	92,550	925 50	174,283	1,742 83	45 00	192 00	86 00	8 60	351 00	16 00	354 00	3,723 93
N. Kona.....	94,630	946 30	74,745	747 75	465 00	290 00	29 60	762 00	820 00	4,066 65
S. Kona.....	160,465	1,604 65	66,369	663 69	339 00	236 00	23 50	602 00	12 00	606 00	4,086 84
Kau.....	466,711	4,667 11	580,044	5,800 44	75 00	1,284 00	374 00	37 40	2,314 00	192 00	2,466 00	17,209 95
Puna.....	85,439	854 39	56,086	560 86	201 00	126 00	12 00	313 00	2 00	376 60	2,449 45
Huina Nui.....	\$ 3,372,243	\$ 33,722 43	\$ 4,444,521	\$ 44,447 50	\$ 740 00	\$ 10,624 50	\$ 2,225 00	\$ 222 20	\$ 18,906 40	\$ 962 00	\$ 20,148 40	\$ 131,998 87

MAUI, 1888.

Lahaina	\$ 277,500	\$ 2,775 00	\$ 313,383	\$ 3,133 83	\$ 145 00	\$ 7 ⁵⁶ 00	\$ 240 00	\$ 24 00	\$ 1,358 00	\$ 86 00	\$ 1,468 00	\$ 9,985 83
Hana	205,610	2,056 10	298,238	2,982 38	35 00	1,271 00	338 00	33 80	2,322 00	128 00	2,330 00	11,496 28
Wailuku	1,053,314	10,533 14	1,296,494	12,964 94	585 00	3,632 00	623 00	62 30	6,414 00	398 00	6,852 00	42,064 38
Makawao	983,591	9,835 91	739,795	7,397 95	415 00	1,936 00	477 00	47 60	3,508 00	506 00	3,760 00	27,883 46
Huina Nui	\$ 2,520,015	\$ 25,200 15	\$ 2,647,910	\$ 26,479 10	\$ 1,180 00	\$ 7,595 00	\$ 1,678 00	1 7 70	\$ 13,602 00	\$ 1,118 00	\$ 14,410 00	\$ 91,429 95

KAUAI, 1888.

Lihue	\$ 430,075	\$ 4,300 25	\$ 519,516	\$ 5,195 16	\$ 240 00	\$ 1,109 00	\$ 268 00	\$ 27 80	\$ 2,024 00	\$ 292 00	\$ 2,100 00	\$ 15,556 21
Kaunahou	243,059	2,430 59	384,731	3,847 31	120 00	1,241 00	167 00	16 70	2,254 00	162 00	2,352 00	12,590 60
Koloa	173,642	1,736 42	278,425	2,784 25	155 00	735 00	153 00	15 20	1,418 00	188 00	1,428 00	8,612 97
Waimea	193,665	1,936 65	301,629	3,016 29	150 00	961 00	181 00	18 10	1,814 00	160 00	1,804 00	10,041 04
Hanalei	171,368	1,713 68	499,134	4,991 34	80 00	1,071 00	112 00	11 20	1,836 00	58 00	1,992 00	11,865 22
Huina Nui	\$ 1,211,759	\$ 12,117 59	\$ 1,983,435	\$ 19,834 35	\$ 745 00	\$ 5,117 00	\$ 881 00	89 10	\$ 9,346 00	\$ 860 00	\$ 9,676 00	\$ 58,666 04

MOLOKAI, 1888.

	Waiwai o ka Waiwai Paa.	Anahu Waiwai Paa.	Waiwai o ka Waiwai Lewa	Anahu Waiwai Lewa	Kaa Lealen.	Kino.	Ilio.	Metala Ilio.	Alannui.	Kaa.	Kula.	Panihaka- haka.	Huina Nui.
Molokai	\$ 141,295	\$ 1,412 95	\$ 106,552	\$ 1,065 52	\$ 50 00	\$ 441 00	\$ 106 00	\$ 10 60	\$ 748 00	\$ 54 00	\$ 836 00	\$ 4,704 07

LANAI, 1888.

Lanai	\$ 28,950	\$ 289 50	\$ 30,800	\$ 338 00	\$ 10 00	\$ 48 00	\$ 16 00	\$ 1 60	\$ 80 00	\$ 18 00	\$ 92 00	\$ 953 10
-------------	-----------	-----------	-----------	-----------	----------	----------	----------	---------	----------	----------	----------	-------	-----------

NIIHAU, 1888.

Niihau	\$ 32,000	\$ 320 00	\$ 34,279	\$ 342 79	\$ 65 00	\$ 41 00	\$ 1 00	\$.10	\$ 68 00	\$ 20 00	\$ 80 00	\$ 937 89
--------------	-----------	-----------	-----------	-----------	----------	----------	---------	--------	----------	----------	----------	-------	-----------

HUINA NUI, 1888.

Huina Nui	\$15,535,808	\$155,358 52	\$15,547,291	\$155,475 20	\$ 6,543 50	\$32,572 90	\$ 6,458 49	\$ 645 10	\$58,078 00	\$ 4,224 20	\$61,744 40	\$ 1,837 99	\$482,938 30
----------------	--------------	--------------	--------------	--------------	-------------	-------------	-------------	-----------	-------------	-------------	-------------	-------------	--------------

Mahope iho o ka hanaia ana o keia mau Papa Kuhikahi a hiki i Maraki 31, 1889, ua ohi ia mai keia mau Auhau o 1888 i boike ia
 malalo, aka, aole nae i piha pono na hoakaka pakahi ia ana o na ano.
 Laveia mai kela aoao mai\$482,938 30

	Auhau o na Ano a Pau.	Auhau Kula.	Huina a Nui.
Hawaii	\$ 785 82	\$ 100 00	\$ 858 82
Mani	25 38	25 38
Kau i	244 44	2 00	246 44
Oahu	10,760 82	967 50	11,337 32
Molokai	88 55	88 55
	\$ 11,457 01	\$ 1,069 50	\$ 12,556 51
Huina holoo' oa, 1888			\$ 495,494 81

HOAKAKA HUI 1888.

Oahu	\$ 180,114 00	\$ 17,469 50	\$ 207,585 70
Hawaii	112,609 29	20,248 40	132,857 69
Mani	77,045 33	14,410 00	91,455 33
Kauai	49,234 48	9,678 00	58,912 48
Molokai	3,956 62	836 00	4,792 62
Lanai	861 10	92 00	953 10
Niihau	857 89	80 00	937 89
	\$ 432,687 91	\$ 67,913 90	\$ 495,494 81
Huina holookoa, 1888			\$ 495,494 81

AUHAU--OAHU, 1889.

Na Apana.	Waiwai o ka Waiwai Paa.	Anahan Waiwai Paa.	Waiwai o ka Waiwai Lewa.	Anahan Waiwai Lewa.	Kaa Lealea.	Kino.	Alannui.	Kaa.	Hio me na Metala.	Kula.	10 pa-Keneta.	Panihakahaka.	Huina Nui.
Honolulu.....	\$ 6,974,652	\$ 69,746 52	\$ 5,651,548	\$ 53,515 48	\$ 3,451 50	\$ 6,599 60	\$ 11,929 00	\$ 920 60	\$ 1,071 91	\$ 12,807 80	\$ 1,224 93	\$164,267 38
Ewa me Waianae.....	564,915	5,649 15	675,754	6,757 54	125 00	1,330 00	2,342 00	112 00	211 20	2,488 00	19,014 89
Waialua.....	357,779	3,577 79	292,175	2,921 75	210 00	639 00	1,140 00	114 00	126 50	1,188 00	9,917 04
Koolauloa.....	259,850	2,598 50	149,725	1,497 25	105 00	390 00	620 00	44 00	84 70	732 00	6,071 45
Koolaupoko.....	543,191	5,431 91	401,544	4,015 44	115 00	1,650 00	2,842 00	184 00	189 20	2,886 00	17,313 55
Huina Nui.....	\$ 8 700,387	\$ 87,003 87	\$ 7,170,746	\$ 71,707 46	\$ 4,006 50	\$ 10,603 00	\$ 18,873 00	\$ 1,374 60	\$ 1,683 55	\$ 20,101 80	\$ 1,224 93	\$216,584 31

HAWAII, 1889.

N. Hilo.....	\$ 166,212	\$ 1,662 12	\$ 421,932	\$ 4,219,32	\$ 786 00	\$ 1,434 00	\$ 46 00	\$ 92 30	\$ 1,516 00	\$ 3 30	\$ 9,759 06
Hilo.....	749,570	7,495 70	1,505,632	15,056 32	125 00	3,469 00	6,466 00	124 00	358 60	6,734 00	55 08	39,823 70
Puna.....	88,241	882 41	42,502	425 02	217 00	340 00	4 00	115 50	406 00	2 05	2,391 98
Kau.....	594,894	5,948 94	662,185	6,621 85	105 00	1,350 00	2,440 00	210 00	295 90	2,582 00	4 68	19,538 37
S. Kona.....	124,770	1,247 70	96,342	963 42	1 5 00	345 00	582 00	10 00	227 70	618 00	05	3,998 87
N. Kona.....	114,563	1,145 63	125,794	1,257 94	437 00	678 00	335 50	800 00	35	4,654 42
S. Kohala.....	155,626	1,556 26	152,770	1,527 70	35 00	225 00	382 00	26 00	108 90	396 00	4,256 86
N. Kohala.....	880,500	8,805 49	899,291	8,992 91	385 00	1,961 00	3,416 00	310 00	338 80	3,746 00	23 20	27,978 40
Hamakua.....	1,081,625	10,816 25	1,155,326	11,553 26	130 00	2,627 00	4,816 00	308 00	313 00	5,068 00	8 20	35,639 71
Huina Nui.....	\$ 3,956,050	\$ 39,560 50	\$ 5,061,774	\$ 50,617 74	\$ 785 10	\$ 11,417 00	\$ 20,494 00	\$ 1,031 00	\$ 2,186 20	\$ 21,866 00	96 90	\$148,061 37

MAUI, 1889.

Lahaipa	\$ 392,327	\$ 3,923 27	\$ 398,784	\$ 3,987 84	\$ 155 00	\$ 817 00	\$ 1,458 00	\$ 78 00	\$ 200 20	\$ 1,554 00	\$ 12,173 31
Hana	307,433	3,074 33	264,792	2,647 92	35 00	1,290 00	2,390 00	134 00	320 10	2,326 00	8 40	12,225 75
Wailuku	1,115,158	11,151 58	1,281,865	12,818 65	640 00	3,124 00	5,626 00	390 00	558 80	5,936 00	23 64	40,268 67
Makawao	1,466,538	14,665 38	625,310	6,253 10	460 00	2,719 00	4,792 00	484 00	515 90	5,250 00	8 00	35,147 38
Total	\$ 3,281,456	\$ 32,814 56	\$ 2,570,751	\$ 25,707 51	\$ 1,290 00	\$ 7,950 00	\$ 14,266 00	\$ 1,086 00	\$ 1,595 00	\$ 15,066 00	40 04	\$ 99,815 11

KAUAI, 1889.

Hanalei	\$ 314,362	\$ 3,143 62	\$ 397,996	\$ 3,979 96	\$ 70 00	\$ 1,147 00	\$ 1,998 00	\$ 78 00	\$ 160 60	\$ 2,158 00	\$ 12,735 18
Kaunaloa	192,507	1,925 07	465,861	4,658 61	175 00	1,263 00	2,256 00	160 00	163 90	2,392 00	12,993 58
Lihue	523,800	5,238 00	498,476	4,984 76	265 00	1,237 00	2,244 00	300 00	315 70	2,332 00	16,916 46
Koloa	204,882	2,048 82	299,920	2,999 20	165 00	799 00	1,492 00	226 00	306 90	1,536 00	9,572 92
Waimea	221,115	2,211 15	544,475	5,444 75	160 00	979 00	1,800 00	152 00	195 80	1,882 00	12,824 70
Total	\$ 1,456,666	\$ 14,566 66	\$ 2,206,728	\$ 22,067 28	\$ 835 00	\$ 5,425 00	\$ 9,790 00	\$ 916 00	\$ 1,142 90	\$ 10,300 00	\$ 65,042 84

NIIHAU, 1889.

Niihau	\$	81,075	\$	810 75	\$	33,994	\$	339 94	\$	65 00	\$	40 00	\$	64 00	\$	14 00	\$	1 10	\$	78 00	\$	1,412 79
--------------	----	--------	----	--------	----	--------	----	--------	----	-------	----	-------	----	-------	----	-------	----	------	----	-------	-------	----	----------

MOLOKAI, 1889.

Molokai	\$	199,755	\$	1,997 55	\$	117,674	\$	1,176 74	\$	30 00	\$	459 00	\$	778 00	\$	44 00	\$	138 60	\$	860 00	\$	8 98	\$	5,492 87
---------------	----	---------	----	----------	----	---------	----	----------	----	-------	----	--------	----	--------	----	-------	----	--------	----	--------	----	------	-------	----	----------

LANAI, 1889.

Lanai.....	\$	28,730	\$	287 30	\$	50,680	\$	80	\$	10 00	\$	52 00	\$	90 00	\$	24 00	\$	14 30	\$	100 00	\$	30	\$	1,084 70
------------	----	--------	----	--------	----	--------	----	----	----	-------	----	-------	----	-------	----	-------	----	-------	----	--------	----	----	-------	----	----------

HUINA NUI, 1889.

\$17,704,119	\$177,041 19	\$17,212,347	\$172,123 47	\$7,021 50	\$35,951 00	\$64,355 00	\$4,496 60	\$6,761 65	\$68,371 80	\$146 25	\$1,224 93	\$537,493 99
--------------	--------------	--------------	--------------	------------	-------------	-------------	------------	------------	-------------	----------	------------	--------------

HOOAKAKA HUI, 1889.

Mokupuni—													
Oahu	\$ 8,700,387	\$ 87,003 87	\$ 7,170,746	\$ 71,707 46	\$ 4,006 50	\$ 10,608 60	\$ 18,873 00	\$ 1,374 60	\$ 1,683 55	\$ 20,101 80	96 93	\$ 216,584 31	
Hawaii	3,956,050	39,560 50	5,061,774	50,617 74	783 00	11,417 00	20,494 00	1,038 00	2,786 00	21,866 00	40 04	148,061 37	
Maui	3,281,456	32,814 56	2,570,751	25,707 51	1,290 00	7,950 00	14,266 00	1,086 00	1,595 00	15,066 00	8 98	99,815 11	
Kauai	1,456,666	14,566 66	2,206,728	22,067 28	835 00	5,425 00	9,790 00	916 00	1,142 90	10,300 00	30	65,042 84	
Niihau	81,075	810 75	33,994	339 94	65 00	40 00	64 00	14 00	1 10	78 00	8 98	1,412 79	
Molokai	199,755	1,997 55	117,674	1,176 74	30 00	459 00	778 00	44 00	138 60	800 00	146 25	5,492 87	
Lanai	28,730	287 30	50,680	506 80	10 00	52 00	90 00	24 00	14 30	100 00	1,224 93	1,084 70	
Huina Nui. . .	\$17,704,119	\$177,041 19	\$17,212,347	\$172,123 47	\$7,021 50	\$35,951 60	\$64,355 00	\$4,496 60	\$6,761 65	\$68,371 80	\$1,224 93	\$537,493 99	

HUINA PAU O NA AUHAU I OHI IA 1888 ME 1889.

	Auhau o na Ano a Pau.	Auhau Kula.	Huina Nui.
1888	\$432,680 91	\$62,813 90	\$495,494 81
1889	469,122 19	68,371 80	537,493 99
Huina Holookoa no 1888 a me 1889	\$901,803 10	\$131,185 70	\$1,032,988 80

HOIKE HOOHALIKE O KA HELU IA ANA O NA WAIWAI PAA ME NA WAIWAI LEWA NO NA MAKAHIKI EIWA.

	OAHU.	MAUI.	HAWAII.	KAUAI.
1881.....	\$ 6,471,868	\$ 2,917,424	\$ 3,503,565	\$ 1,156,075
1882.....	6,648,433	2,498,268	4,604,736	1,612,146
1883.....	7,985,378	2,916,629	4,113,072	1,660,474
1884.....	8,099,585	2,853,983	3,622,172	2,215,433
1885.....	8,188,523	2,434,684	3,516,973	2,158,874
1886.....	8,156,902	3,227,050	2,983,107	2,104,350.
1887.....	8,291,403	2,742,558	2,922,202	2,192,007
1888.....	9,245,204	2,548,171	3,440,859	2,109,243
1889.....	8,700,387	3,509,941	3,936,050	2,135,625
				1,000,463
				2,013,630
				2,043,745
				2,240,722
				34,916,466

HOIKE HOOHALIKE O NA AUHAU A PAU A ME'NA AUHAU KULA I OHIA NO NA MAKAHIKI HE UMI.

Anhau o na Año a Pau.	Anhau Kula.	Huina Nui.
1880-81.....	\$ 87,322 00	\$ 683,937 01
1882-83.....	100,397 20	780,675 20
1884-85.....	115,298 00	812,166 98
1886-87.....	766,421 76	885,909 76
1888-89.....	901,863 10	1,032,988 80

